

ИВАН
САЖИН

СБ

ДИКАС



Миртас



ИВАН САЖИН



СЁ СИКАС

»ВИСТЬЯС«



Коми книжнӧй издательство
Сыктывкар 1981

ЮРИНДАЛЫСЬ

ИВАН ИВАНОВИЧ САЖИН (ИЧӦТ ИВАН)	3
ЕН ТЫШ	5
СЁ СИКАС	43
ЧЕТВЕРТЬ ВИНА	49
«ШЕВА ЧУМАН»	56
СЬӦД ШОР	59
ЧАЙ	63
ӦЛЬӦКАН	68
ПРИМЕЧАНИЕЯС	80

Сажин И. И.

С 14 Сё сикас. Висьтьяс. Сыктывкар: Коми книжнӧй издательство, 1981.— 80 л. б., илл.

Иван Иванович Сажин (Ичӧт Иван) пырӧ коми литературалы подув пуктысьяс лыдӧ. Сійӧ кызвыннас гижліс висьтьяс, кодъясн петкӧдліс важ олӧмыслыс тырмытӧмторъяссӧ, а сідз жӧ коми йӧзлыс белӧй-яскӧд выль олӧм вӧсна тышкасьӧмсӧ.

Тайӧ книгаас И. И. Сажинлӧн пырисны медтӧдчана гижӧдъясыс.

С (коми)

С 0733 — 023
М 128 (03) — 81 27—81 м

ИВАН ИВАНОВИЧ САЖИН

(Ичӧт Иван)

Коми советской литературалӧн историяс заводичӧ 1918 восянь, кор Советской власть пуксис Коми крайлӧн став районны. Кызьӧд воясӧ нин коми советской писателъяс асланыс произведениясын петкӧдлісны олӧмын выльысь петасъяссӧ, сӧлӧмсяныс гижисны революциялӧн медводдза воськовъяс йылысь. Но 20-ӧд воясӧ выльӧ эскӧмсӧ вӧчисны важсӧ отрицайтӧмӧн, важся курыд олӧм петкӧдлӧмӧн.

1926 вося тулысын котыртчӧ пролетарской писателъяслӧн ассоциация (КАПП). Откымын ӧшыбкаяс выльӧ видзӧдтӧг, тайӧ организацияс ворсис ыджыд роль коми художественной литература развивайтӧмын. Культурной революция областын шедӧдӧм вермӧмъяс да художественной кыв дорӧ интерес содӧм подув вылын тыдовтчӧны литератураын том талантъяс, том писателъяс. На лыдын тшӧтш вӧлі Иван Иванович Сажин (Ичӧт Иван), кодӧ лыддысьсӧ коми советской художественной литература историяын проза заводитысьяс да чужтысьяс пиысь ӧтиӧн. Ассьыс литературно-творческой уджсӧ сійӧ заводитис гражданской война вояс помассӧм бӧрын пыр жӧ, буретш сӧк, кор заводитис чужны коми печать, коми алфавит да издательской делӧ.

И. И. Сажин вӧлі и поэтӧн, и прозаикӧн, и выступитис кызси публицист коми литература да коми литературной кыв совмӧдӧмразвивайтӧм йылысь.

1926 вося октябрь тӧлысянь заводитис печатайтчыны общественно-политической да литературно-художественной коми журнал «Ордым», кодӧ вӧлі ВКП(б) обкомлӧн органӧн. Сылӧн медводдза номерын жӧ И. Сажинлӧн (Ичӧт Иванлӧн) печатайтсӧны «Сортовка лӧдзӧм» кывбур да кык висът: «Сӧ сикас» да «Регыд ныр-вомад рабышта». Но таӧдз тайӧ жӧ воас июнь тӧлысьяс «Коми сикт» газет кык номерын печатайтӧ сійӧ ассьыс медводдза висът «Воз сӧйӧма». Тадзи заводитчис И. Сажинлӧн литературно-творческой уджыс. Том гижны босьтчысьлысь тайӧ да бӧрынджык гижӧм кызси поэтической, сідзи и прозаической гижӧдъяссӧ пӧся да кыпыда примитисны сӧкся лыддысьысьяс, быд боксянь донъялісны найӧс критикъяс.

Развивайтчыны заводитысь коми советской литературе медводдза воськовъяс вочом бӧрын, И. Сажин ещӧ активнойджыка оддзӧдӧ творчествосӧ, зильӧ бурмӧдны аслас гижӧдъяслысь формаяссӧ да тематической содержаниесӧ. И. Сажин 1925 восянь коммунист, и та вӧсна сійӧ ассыс гижӧдъяссӧ зилис чужтыны сӧмын партийной идеология выль мыджсьӧмӧн.

И. И. Сажин чужлис 1904 вося январь 3-ӧд лунӧ Сыктыв районас Чухлом вӧлӧстын (сиктын). Сылӧн бать-мамыс шӧркодя олысь крестьяна, быдтисны вит чоя-вокабс. Медся ичӧт писӧ шуисны Иванӧн. Гашкӧ, бӧрынджык, кор нин И. Сажин кias босьтис писательской перӧ, — та вӧсна и бӧрыис аслыс литературной псевдоним — Ичӧт Иван.

Челядь кадӧ писатель коллялис аслас рӧднӧй сиктын, но тшӧкыда вольвліс Межадорӧ, кытысь рӧдинанас вӧлі сылӧн мамыс — Ольга Яковлевна. И. Сажинлӧн ичӧтдырся воясыс нинӧмӧн оз торъявны мукӧд крестьянской челядьлӧн олӧм-вылӧмысь, кӧть и мамыс вӧлі неуна интеллигентной семьясы. Велӧдчис первой асланыс сиктса начальнӧй школаын, кӧні главнӧй велӧданторнас вӧлі «Закон божий», а сесся Усть-Сысольскын.

Гражданской война помасьӧм бӧрын И. Сажин — активнӧй комсомолец, ас чужан сиктас да Межадорын медводдза спектакляс котыртысь, пьесаысн комической рольяс ворсысь.

Краснӧй Армияын кык во действительнӧй служба помалӧм бӧрын И. Сажин 1925—1927 воясӧ велӧдчӧ Москваын Н. К. Крупская нима Коммунистической академияын.

Коммунистической академия помалӧм бӧрын И. Сажин уджаліс журналистӧн, педагогӧн (вӧлі среднӧй школаса да индустриальной техникумса директорӧн), партийной работникӧн. Здоровье слабмӧм вӧснаыс сійӧ, ВКП(б) обком решение бӧрын, 1932 воӧ муніс лечитчыны лунвылӧ. Евпаторияын сійӧ лечитчис да уджаліс олӧм помӧдзыс.

С. МОРОЗОВ

ЁН ТЫШ

I

Ывлаын пемыд. Воськов сайысь оз тыдав. Педөр кильчө вывсянь кодкө лэччис да керка пөлөн көйзёдө. Пельёс бокас сувтис да кывзысьё.

— Некод абу,— мурөстис вомгорулас да котөртис туйлань, муртса рудёбыс төдчө. Туй вылын сувтөмөн дыр на кывзисис. Муё йөжгыльтчөмөн дыр гөгөрбокысь видзөдис, сэсся шор вомөн вуджис да Павел Ольёксан ордө мөдис.

Ольёксан ордын пукалөны куим морт да зэв сёлөмысь сёрнитөны. Ставныслөн чужөмъясыс скөрөсь. Сёрнитигөн быдсөн векуштчыласны да кулаксө гөрдзавласны.

— Кодкө тай вөзйысьё. Ёгор, пет восьты. Педөр, тыдалө, локтө,— шуё Ольёксан. Сёрниис чорыд, сяркан моз тракөдө.

— Локтин жө?— пыригмозыс на юалис Ольёксан. Быдөн видзөдөны Педөр вылө. Педөр синсө сувтөдөма, зэв скөр, быдсөн тіралө.

— Сё морөн лыйөм!.. Некод ті ме ордөдз энө волө?

— Мый нө тэкөд? Эгө ми некод.

— Ме вөлі пызан сайын пукала да сёя. Друг кодкө кильчө бокин шарөдчыны кутис. Ме өшинь дорысь вешйи да көтшасө муні. Баба вөлі самөй шыдөса рок пызан вылө вайө. Сэк кості мортыд өшиньё шашаритчөма да бабаөс садь быртөдзыс повзёдис. Ме сөмын на пасьтаси да черөн ывлаө петі, мортыд быттьө абу и вөвлөма. Чөрт төдө кытчө воши... Ме чайті тиянөс волөмөн.

Педөрлысь сёрнисö быдөн сёлöмысь кывзöны. Кывзöны да топыджыка кулаксö гөррдзалöны. Чужöмъясыс быдөнлөн ёнджыка скöрмöны.

— Вай аски жö босьтчам. Став катыдпомсаыс миян дор. Став голь йöзыс миянöс доръяс. Нинöмысь повны,— скöрысь Ольöксан шуö мукöдыслы.

— Нинöм повны!— горöдисны ставныс.

— Аски мунам правлениеö да скодка тшöктам чукöртны. Тi мунаннуд Катyd помö да быдөнлы висьтавланнуд, мед ставныс локтасны. Омöль-бурөн озыр йöз оз сетчыны. Налы медбур му-видзьясыс сюрисны да наысь оз лэдзсыны.

— Пулемёт кö эськö вöли, небось, регыд сетчисны да,— шуö Педөр.

— Некутшöм пулемёт оз ков. Сидз сетчасны. Мишкалөн сабля эм. Мужикъясыд сабля вылö видзöдöмысь повзясны. Ковмас, эм и лыйсян.

Ольöксан зепсыс кыкис ичöt лыян (револьвер) да би водзын петкöдлö йöзлы.

— Пöлинö, Оньö Петыд пö салдатысь воöма. Колöсы ордö ветлыны. Менам баба кыскö кывлöма да бытьö пö голь йöз дор олö. Гашкö, мыйкö буртор висьталас. Вай ветлам.

— Кодкö öти ветлö. Ставнымлы мунны абу лöсьыд. Педөр, мун тэ ветлы да ставсö тöдмав. Миян дор кö олö, мед татчö волас.

II

Правлениеын Тима Васька старшинаалö. Морт олö бура, озыр йöз дор сулалö. Ольöксанъяс правлениеö локтисны да скодка тшöктöны чукöртны. Тима Васька оз кöсийы.

— Мыйла нö ме понда скод чукöртны, скод вылас сёрнитныс нинöм абу да,— скöрысь сийö шуö.

— Котъ тэ, Василий Тимофеевич, и сват морт лоан дай старшинаын олан, мянӧс быть лоӧ кывзыны. Он кӧ чукӧрт, ӧд ми асьным ставсӧ вӧчам дай... Эй, десятскӧй, мун да регыджык скод вылӧ тшӧкты вӧтлыны. Быд сиктӧ ветлы. Котӧрӧн мун, мед кок пӧлыд вӧлі тани,— мый эбӧссыс Ольӧксан горзӧ, десятскӧйӧс, мышкӧдыс тойла-лігтырйи, посводзӧдыс колльӧдіс. Ёгор да Педӧр сӧмын сералӧны.

Тима Вась шӧйӧ-пӧйӧ воши. Кулаксӧ гӧрддзалӧмӧн кӧсйис мыйкӧ шуны, да нинӧм эз артмы. Ольӧксан босьтіс киӧдыс да бӧр улӧс вылӧ пуксьӧдіс. Дыр олӧсны чӧла.

— Василий Тимофеевич, тадз овны оз позь. Мутӧ да ватӧ став йӧзыслы ӧткодя колӧ юкны. Озыр да гӧль мед эз вӧв.

Тима Васьлӧн сӧмын синмыс югъялӧ. Скӧрысла быдӧн пошкӧ, льӧбйыс тіралӧ. Қыв весиг эз шу, пырис канцелярияс да игнасис. Йӧз чукӧртчӧм бӧрӧдз эз пет.

Скодка вылӧ йӧз локтіс уна, правление тыр. Мужикъяслӧн тошъяс гырысьсӧ. Эмӧсь и тоштӧм йӧз. Быдӧн сӧрнитӧны гораа, а ас костаныс пинясьӧны. Зык пырыс нинӧм он вермы велапны, мукӧд дырйи зык пӧвстысь ыджыд гӧлӧсаяс горӧдласны.

— Ог сетӧ! Нинӧм ог сетӧ!

— Сетанныд! Босьтам ӧд!

Дыр мысти Тима Вась петӧс ыджыд триньӧӧн да кӧсйӧ скод вӧчны. Пызан дорӧ сувтіс, мый эбӧсыс триньӧӧн гольӧдчӧ.

— Граждана, ланьтлӧ! Скод восьтам... да ланьтлӧ неуна, триньӧыс потӧ.

Коркӧ дырӧн йӧз ланьтісны. Тима Вась сӧрнитны мӧдіс.

— Граждана, вайлӧ меным кыв!— горӧдіс Павел Ольӧксан да петӧс пызан дорӧ.

— Оз катыдса пӧгибӧ воштыны, а став ӧбӧдитӧм йӧзыс,— сьӧлӧмсянь шуӧ сійӧ.— Ті му-видз юклӧмныд да ставсӧ мӧдарӧ вӧчӧмныд. Озыр йӧзлы сетӧмныд медуна

да медбур му-видзсö, а гöль йöзлы нинöм. Колö выль пöв юклыны, сетны став йöзыслы öтмоза.

— Ок-ок, мый ковмöма... о-о-о!— горöдисны мужикъяс уна сикас гöлöсөн.

Правлениеын зык пыр кыптö да кыптö. Старшина мый эбöсысь триньöөн гольскöдö. Некодлысь нинöм он велав. Мужикъяс быдсөн мöда-мöдныскöд куршасыны мöдисны. Мать шы кылö Катыд помöдз. Педöр öти мужикöс босьтöма голяöдыс да тракйöдлö.

— Тi кöсьянный сiдз. Вот татчö и став кывтыдпомсатö пасья-жугöдла.

Ыджыд зык кыптис. Дяк Педöрлы кыськö ыджыд пес сюрöма да песнас кодлысюрö катшкöдö. Мукöд катыдпомсаяс босьталöмаöсь коколюкаяс, улöсьяс да ставныс тильсьöны-пессьöны. Тима Василей триньöнас и ставнас пызан улас пырöма да сöмын нин ойзö.

Дыр вензисны. Дыр кулакъяснас да, мыйöн да кывтыдпомсаыд водзсасисны. Бөръя помас сэсся повзисны, быдөн котөрөн ывлаö уськöдчисны. Тима Василей пызан увсьыс петiс да öдийöнджык öшинь пыр ывлаö чеччыштiс, весиг триньöсö абу вермöма босьтны, джоджас туплясьö.

Став делöсö правлениеö колисны, служакъясыс ставыс пышйисны. Правлениеö сöмын морт дас вит кымын коли, ставныс катыдладорысь: медвостер йöзыс, нинöмысь повтöмъясыс.

Кывтыдпомсаяс Тима Васькöд петöмаöсь правление öшинь улö да быдөн горзöны, увалöны. Мукöд кöсийöны бөр пырны, мукöдъяс кулаксö гөррдзавласны да ёрчыштасны. Мукöдыс öшинь пыр катыдпомсаöс повзьöдлöны.

— Нолтö, татчö петалö! Шойтö эськö огö кольö, ставнытö пасьям-жугöдлам...

— Сымда жö и олисны... Татысь öд сэсся петнысö оз жö лысьтны, кувны лоö...

Ольöksан ёна зэв скөрмис, эз вермы терпитны. Чоры-да ёрччыштөмөн йөз вылө горөдліс өшинь пыр да ёрччиг-тырйи уськөдчис ывла вылө. Ольöksан бөрся котөрөн тшөтш уськөдчисны мукөд йөз, быдөн пескаөсь да коко-люкааөсь.

Кывтыдпомса повзисны, быдөн кытчөсюрө рузөптис-ны. Унджыкыс мөдисны туй кузя котөртны. Шор сайөдз пыр котөртисны. Правление дорын регыдөн и кушмис, сөмын морт кызь коли.

Кывтыдпомса мужикъяс да озыр йөз дор олысьяс шортө вуджисны да Ольөш чойө бара сувтисны. Чукөрт-чөмаөсь да мый вынсьяс ёрччөны:

— Ноко, өні татчө волө, пупыш эськө сетам!— горзө-ны быдөн да кулаксө петкөдлөны, мукөдыс быдсөн зор босьталөмаөсь.

Павел Ольöksан ёна нин скөрмөма, зэв тшөкыда зеп-сө видлалө, төдлытөг и кыяс пырас. Зептас ичөт лыян куйлө, сизим зарада. Көсьяс нин перйивны, да бөр дуг-дас. Мукөд мужикъясыс воча кулакъяс вөчласны да чо-рыда матыштасны.

Кымын дырджык олөны, сымын йөзыс содө да содө, пыр кыськө воалөны. Весиг бабаяс нин тшөтш петөма-өсь, быдсөн йөз пытшкө сүйсьөны мича чышьяннаныс. Ольөш чой ставнас нин йөзнас тырөма. Гөлөс шыясыс сөмын юргөны, быттьө гымалө.

Катыдпомсалөн йөзыс век жө чукөрмө. Первойысьсө вөлі мужикъясыс неуна полөныкодь, сэсса, кывтыдпом-саыд, пышйыныд пондисны да, неуна збоймисныджык, быдсөн тошка йөз пондисны тшөтш воавны. Уна мужикъ-яс кывтыдпомсакөд пинясыны нин зэвтчөмаөсь, тошсө чурйөдлөмөн траййөдлөны.

— Вайө ставным уськөдчамө... Немтор оз вермыны вөчны,— шуө Педөр.

— Мишка, вайлы меным саблятө!— горөдіс Педөсь Ёгор да би моз ньылькнитіс туй вомөн. Кыськө, сө мор-лы, өти здукөн сюрөма воронөй вөв да вылас сөлөма.

Саблясö веськыд киас босьтöма. Öвтыштас да бытьö чардби öзтыштлас.

Ёгор эз дыр кöсйы, вöлыслы кучкис мышкас да, бытьö лёк варыш, лэбзёвтис йöз пытшкö. Ёна зэв скöрмöма, быдсөн мурзö да сабляён öтарö-мöдарö öвтö.

Кывтыдпомсаяс эз и тöдлыны Ёгорлысь локтöмсö быдсөн садьтöгыс повзисны да кытчöсюрö ставыс уськöдчисны. Öльöш чой йыв регыд ставнас весассис. Коді йөр пытштиыс котöртö, коді керка костьясöдыс, коді пос увьясас пырöма да юрсö муас люкалöмөн олö. Сэссия эз нин чукöртчывны.

Катыдпомсаяс вöлисти гажмисны. Став властьюс на-йö ки улö коли. Правлениеын вöчисны собрание кодь да чиньяс тэчалісны, начальникьясöс бөрьялісны. Секретарас Павел Öльöксанöс пуктісны.

III

Выль сикас властьюд выль ног и овмöссö пондіс нуöдны. Гöль йöз понда кутіс тöждысьны. Сöмын гöль йöзöс пондіс дорйыны да озырöс кедзовтны. Му да ва ставсö мöд пöв юклісны, ставныслы öткодя сетісны, быд уджалысь мортлы сетісны пай. Мукöд йöзлы ёна и кажитчис татшöм уджыд. Гöльдзык йöзыд шуöны:

— Дивъя жö и öні овнысö. Быдсөн лоимö öткодьöсь. Му-видз ставнымлы öткодя сетісны, сöмын ов да ов, кöть нэмнад эн кувлы... Павел Öльöксаныд бур детина, ставсö тöлкөн вöчö. Дай Мишкаыд вожеваткодь.

Сöмын озырьяслы выль властьюд оз кажитчы. Катыдпомса вылö ёна и лөгасисны. Павел Öльöксанöс начкыны кöсйöны. Педöрлысь бугыльсö кöсйöны перйыны, став бур йöзсö кöсйöны вины. Унаысь гусьён чукöртчыласны да мыйсюрö пондыласны керны, сöмын ньöтчыд нинöм оз артмы, полöны ставныс.

Öтчыд Елис ордö мужик дас кымын чукöртчöмаöсь да тöлкуйтöны. Ёна сёрнитöны. Ставсö гусьён вöчöны.

Первой став õшиньсõ тупкалісны, сэссия пытшканыс игна-
насны да ортсыас креста пореч (тас) õшõдісны. Ок,
мудерõсь õд йõзыд!.. Сёрнитігкостыс, гашкõ, ведра сур
юисны. Асьныс сарай пырыс да картатыс ветлõны. Õні
со чукõртчõмаõсь да яндоваысь сур юõны. Гажмõм бõ-
рад õд лõсьыдджыка сёрнитсьõ.

— Дявõльясõс, ставсõ колõ джагõдлыны. Õні жõ и
мунам да джагõдлам,— шуõ õти дзор тошка старик. Сур-
тõ юыштõма да ярмõма.

— Кõть эськõ со и джагõдлан,— бара шуõ мõд му-
жик,— да кысь нõ ещõ со джагõдлан, на ордын став вы-
ныс да. Первой колõ юралысьяссõ чинтыны, мукõдыс
сэссия асьныс усьõны, сõмын тойлав.

— Сідз, сідз... Юралысьяссõ и колõ,— шуõ гõрд тош-
ка мужик.— Тэ, зонмõ, Митрей, детина том да ён. Тэнад
гõтыр ни челядь абу, вай первой Павел Õльõксансõ и
кокышт...

— Чõв, зонмõ,— быттõ Митрейыд повзискодь,— ни-
нõм, ме чайта, ме помысь оз артмы...

— Кыдз оз артмы?— шуõ бара гõгрõс тошка му-
жик.— Ми найõстõ чинтылам на да... Сõмын колõ кадсõ
корсьны, мед эськõ некод оз казьявлы.

— Да, сійõ тэ буртор шуан. Мед эськõ некод эз ка-
зьяв,— шуõ дзор старик.

— О, пõлинõ. Ноко, ланьтыштлиõ... Некод оз кыв?
Менам эм зэв бур дум,— шуõ гõгрõс тошка мужик, ачыс
тошсõ шылõдõ.

— Но-о!.. Кутшõм нõ?— друг ставныс горõдісны,
кывзыны лõсьõдчисны.

— Елис кõсйõ сура помеч вõчны. Помеч рытнас
Õльõксансõ сур юны корамõ да сэки и шмоконьтам.
Сõмын сурсõ колõ самõкурõн сорлавны, мед ёнджыка
коддзас. Мыйõн коддзас, сэки миян делõ... Митрей, тэ
мортыд ён да сюсь, сэки эн вуграв. Елиссõ помеч вылас
ми вок коддяссõ и корныс тшõктам, мед йõзыс оз пон-
дыны мешайтчыны.

— Вот тайо и бур. Вайо сурсо ещю юам да пом. Сомын мед вöлі некодлы нинöм абу висьталöма. Ме Елискöд ачым сёрнита, ачым тшöкта помеч вылас йöзсö коравны. Мый ме тшöкта, ставсö сийö менсьым кывзас. Сомын мед Елис дырйиыс некодлөн вомыд абу вöлі калькöдöма. Сийö ставсö вермас дзугны.

Юисны да сёрнитисны рытя дорöдзис. Сэсса пемдыштöм бöрас öтиөн-öтиөн кутисны разöдчавны, гортъясас дуньгыны-мунавны.

IV

Правлениеын собрание. Важ купечлысь керка джынсö мырддисны да сэтчö выль правление кöсийöны восьтыны. Сэсса керкасö клуб вылö кöсийöны мырддыны, а важ правлениесö нардомö вöчны.

Öльöксан собраниетö бура нуöдö, йöзлы уна прöста увавны оз сет. Мукöдъяс сылысь сёрнисö кывзöны, мый тшöктас сийö и вöчöны. Омöльтортö вöчны öд некор жö оз тшöкты.

...Помеч вылын гажа, быдөн сьылöны да йöктöны. Мукöд йöзыс ёна нин кодсь. Мужикъяс нывъясöс кутлöны да окалöны, нывъяс чилзигтырйи пышьялöны. Елис мый вермö, öтторъя сур ваялö. Öльöксанöс корны кыкысь нин ветлисны, енмöс моз виччысьöны.

Öльöксан талун сёрөн нин гортас локтис. Лунтыр ветлöмнад быдсөн мудзöма, юрыс поткöдö-висьö. Гортад локтис да мамыс гöститны корöмтö пыр и висьталис. Öльöксан думыштчис. Мудзöм бöрад юыштныд гажыд петö и, сьёлöмыс полö и.

Öльöксантö корны коймöдысь нин локтöны. Зэв мича ныв локтöма, быдсөн синъяссö нюкрöдлö.

— Öльöксан дядь, тэнö сур юны корисны. Мед пö тай регыд волас-а, удзöдам пö öд,— шуöны.

— Но-о, сур юны! Бур делö. Йöзыс нö уна?— юасьö Öльöксан да мам вылас видзöдö. Мамыс оз шыась.

— Унаыс эськё абу. Вёліны да унджыкыс бөр нин муналісны. Волю. Регыд өд тшөктісны ветлыны да, сэсса бөр колё котөртны.

— Час, инё пасьтасы да вола...

Ольöksан дыр на юрсё гыжъялёмөн өшинь дорас сулаліс. Пөв куим кымын джодж кузьтаыс муніс да шуө:

— Көть мый лоө-а, час, ветла.

Пасьталіс ной дукөс. Гач зептас сюйс ичөт лыян да мөдөдчис мунны.

— Ветлы но, бласлө кростос,— пернапасасигтырйи бөрсяныс посводзөдзыс мамыс колльөдіс.

Елис ордад нывкаыд Ольöksаныдлысь локны көсийөм-сө висьталёма да, ставныс виччысьёны. Пыригас быдсөн сы дорё уськөдчисны.

— А-а, Ольöksандр Павлович! Дыр нин виччысям. Вай пызан саяс и пуксы. Ми өд ёна нин сульмуйтім.

Босьтісны кидыс да сідзи и пуксьөдісны. Эз тай ёна ков паськөм пөрччөм, небось, регыд пөрччөдісны. Весиг дукөссө нарошнё вөчөм тув йылө өшөдісны, сулөккөд (кузьчышъянкөд) орччөн.

Ольöksанлы ёна и кажитчис. Пуксигкостыс и мөдісны юктавны. Вина сора сурыд өд ён, чөскыд. Ольöksаныд регыд и гажмис. Гажа юрнад век ёнджыка варовмысьө да варовмысьө. Быдторсө мөдісны сёрнитны. Ольöksан висьтавлө войनावывса тышъяс йылысь, висьтавлө царь йылысь, озыр йөз йылысь да выль олөм йылысь.

Елис ордысь став йөзыс нин муналісны. Қолины сөмын мужик квайт кымын. Быдөн пызан дорын пукалёны да Ольöksанлысь сёрнисө кывзёны. Ольöksанлы өтторъя кисьтёны вина сора сур да юктөдөны. Друг өти мужик мигнитіс да Ольöksаныд эз и төдлы — вольскнитчис, весиг ойөстнысө эз вермы. Вомсө тупкисны, кисө шыртыштісны да кузь Митрейыс топыда голяөдыс чабыртіс.

Ольöksан лолыштнысө весиг эз вермы, чужөмыс быдөн лөзөдіс. Оти мужик Ольöksан гач зептысь казяліс

ичот лыян да зэв өдйө кыскис. Гусьоник вашкөдис мыйкө мукөд мужикъяслы да Олюксан балябөжө толькө шковгис-луйис. Сэсся Олюксанөс босьтисны да кильчө өдзөс дорөдз кыскисны, пос помас и пуктисны.

Митрейыд, дарөм том, мудер вөлөма мортыд, наян. Посводзсяньыд бөр өдйө пырис да пызандорса өшиньсө швач жугөдис. Мед пө кодөскө чайтасны ывласянь өшинь пыр лыйөмөн. Нарошнө стөч пукалан весьттисы и жугөдис. Сэсся тунс помсьыс зэв горша сурсө нылышталис да котөрөн мөдис гортас кыйзөдны.

V

— Кось кө и кось!— шуисны Олюксанлөн өртьяс.— Вай босьтчылам, немтор накөд зьозьөлитчыны.

Юралысь пыдди вөлөстьө некод эз коль. Ондрей Мишка Вяткаө мунис. Көсийө вөли ылө ветлыны да бөр локны, сөмын лөк йөз улө веськалөма дай чинтөмаось. Войтыр ас кежсьыс и колины, быдөн зэв скөрөсь. Инас оз өшйыны... Ставыс дрөжжитөны.

Войтырлы отсасьны быдса отряд волис. Ена мукөд йөз повзылисны; сөмын озыръяс весиг синсө оз нюкыртлыны, век асланыс песөны. Гөль йөз дор олысь йөзөс сөйны и көсийөны.

Гөль йөз чукөртчисны да дружина осьтисны. Бөръя помас морт дас көкъямыс вөли гижсьөма. Дружина ки улын став властьыс вөли. Лөсьөдисны кык номер да десяткөйясөс вөлөсть кузьта йөзөс гижавны мөдөдисны. Коді көсийө гөль йөз дор овны,— сийөс тшөктисны первой номерө гижсьыны; коді озыр дор — сийөс второйө. Йөз-ыд нинөм оз төд. Мукөдыс эськө и асьныс гөльөсь да, озырөс кедзөвтни бара жө оз көсийыны. «Кыз нө эськө Василей дор он ов. Сылөн эм кузнеча, сылөн эм мельница, сылөн эм быдтор. Аски жө и сы дорө йөрман, а первой номерад кө гижсян — Василейыд лөгасяс да нинөм

тэд оз понды вöчны». Со та понда и унджык йöзыс, гöль мортъясыс, второй нумерö гижисны.

Джынсьыс уна вöлöстын второй нумерö гижсьöма. Ой, ёна и дружинаын скöрмисны. Медбур вöвъяссö озыр йöзлысь босьталісны да вöв вылö сөлөмөн пондісны öтарö-мöдарö вöлöсть кузьта гөнййтны. Сэсся, кодлөн унджык мөсьяс вöлі, пондісны налысь мөсьяссö мырд-давны да мөстөм йöзлы сөтавны.

Озыр йöз ёна и скöрмисны. Век виччысьöны бурджык төлк. Гусьөн и кöсйöны пурыштны да төлкыс некыз оз сюр. Мукöд бабаясö ёна и повзьöдлісны.

— Ті на дор оланнид!? Видзöдлö ас выланыд. Найö попöс вöтлісны, енмөс оз радейтны. Коммунист партия вöчöны...

— Господи, да ме öмöй на дор ола. Сөтöны да öд быть босьт...

Дружинаса йöз поптöгыд оз жö кöсйыны овны. Пöрысь йöзыд видöны да налысь кывзöм понда ас костсьыс выль попöс бöрйисны.

Выль поп сідз жö кадилö шпуткö, ризі новлö, вичкоын звöнитö, сöмын мöд ногөн сьылö,— кызкö сори-кості. Первой сьыласны революция сьыланкыв, сэсся бöрын-нас мөдасны вичкоса сьыланкыв. Сьылöны гажая, сулавны долыд, быдсөн серамыд петас. Вичкоад ёна дыртö оз видзны: оз мудзтыны ни, кынöмыд, небось, оз сюмав ни. Дугдыныд кö тшöктан,— тэрыба и помыштасны.

Пöрысь йöзлы вичкоыд зэв кажитчö. Воласны да ёна и юрбитасны. Мукöдыслы вывті нин ёна сьылöмыс кажитчö.

— Öд, нылö-сваття, кутшöма лайкнитласны. Мукöд дырйиыс горöдласны да чуть вичкоыс оз пот. Водзті бара татшöматö эз сьывлыны!— ошйысьö öти пöрысь баба, вöскресенньö асылö ветлöма öбöдня сулавны да.

Сöмын озыр йöзлы выль олöмыд некутшöм ногөн оз кажитчы. Оз вермыны дружинакöд артмöдчыны дай сöмын. Век пурыштны видзöдчöны.

— Белойяс локтоны, белойяс... Ой, Оньо, дзевсы! Унаоң... Югид кизяось.

Быд керкаын мунё суматока. Кодъяс радлоны да радысла пелькодчоны, быдлаті чышкалоны. Кодъяс повзьомаось да повзьомысла некытчо оз вермыны инасны, став колуйсо нин керка пытшсыс гудраломаось. Ена и ноксоны.

Белойяс быдон югид кизяось да погонаось локтоны. Вичколон гора жыннан век оз дугды кленганинысь. Ольош поп ена и радло. Коймод пов нин оти полос молен сылө. Порысь старикьяс ена и кевмасны.

Ыджыд тошка Пиля Оньо юрсо выйон мавтома да мичаа сынаось, вомгорулас серам тыдовтчо. Вичкоса староста ведра вина гобоч дорас заптома да выль бур гостьясос виччысьо. Бабаыс пожалома уна полос шаньгаяс, быдсон выйон да нокйон гудралом. Ассыс челядсо весиг некодос эз верд, морт оти шаньгаон быдонлы сетис да коброгас петкодис, томанон игналис.

Белойяс локтисны да вичко доросувтисны. Поп найос резис вежа ваон да школао мододис.

Школаыс ыджыд да гажа, уна йоз пыткас торос; кык судта да джуджыд, уна жырьяс эмось. Быд сиктысь, быд пельосысь йоз локтис. Школаын дзик тырыс йоз дай ывла вылас йозыс съод сулалө. Школа пыткас, ыджыд жырас, пызаньяс лосьодомаось, быдон мича пызан дораясон вевттыломаось. Пызан тыр ваялисны быдсяма сикас сеян. Ваялисны зев уна ас пуом вина. Пондисны гажмыны. Серни век содо, ыждо. Вичко старосталон пасыкыджыка модис серам петны; смелмис тшотш и Ольош поп, мый эбосыс горзо:

— Юо, бур йоз, юо! Эй, Пильо Микит, мун ветлы да кыско ведра вина судзод. Ставныс бур йоз!

Ортсыса йоз быдон косийоны тшотш школао пырны. Мода-модос тойлалоны, пелксоны, век чепосйоны

өдзёслань. Мукөд бабаыс, дзигөдөмаось да, мый эбосьсыс горзёны.

Откымын белёй ёна нин и кодзёмаось. Код юрнад быдён вирыд ворсөдчө. Томджык начальникьяс чукөртчөмаось да вөлөсть кузья шарьялёны-ветлёны. Неылын школасянь вөлі кооператив лавка. Оти югыд погона морт сабянас крапкис-сөтис өшинь тасас да стеклөыс сөмын жульмуні. Мукөд войтырлы зэв кажитчис. Быдён уськөдчисны өшиньяс дорө. Ставныс көсйёны ас пайсьыс өшинь жугөдны.

— Зонъяс, вай пыралам пытшкас да видзөдлам, мый сэн керсьө.

— Вай пыралам и эм.— Быдён пондісны өшинь пыр лавкаө чеччавны.

Лавкаын, тув нель-вит табак, папирос да көрт тув ящикысь өприч, бур төварыс нинөм эз вөв. Табаксө да папироссө босьтисны, а мукөд төварсө сідз и колисны.

Белөйяс петісны лавкасыд да туй кузья сералігтырйи мунёны. Коді паныд сюрө, сійөс и куритөдөны. Мужикьяс куритчөмтө ёна радейтёны, зэв радось. Табакыд важөн нин эз вөвлы, сөмын служакьяслы вөлі сетёны. Белөйясыд кодьясөс куритөдасны, найө ещө и шензясны:

— Вот и дивө, краснөйяс вөлі кутшөма белөйөн повзёдласны, а чирик тай найө: со папиросөн куритөдалёны,— шуө Илья Васька. Васька ачыс гөль морт; исполкомсянь мөс сетлісны дай уна видз-му. Оні белөйяс ордысь куйм папирос босьтис да котөрөн и локтө. Пөсялөма да быдсөн кизьясө разялөма.

— Баба, баба... вот дивөыд! Кутшөма полім, а белөйясыд зэв бурөсь вөлөмаось. Мем куйм папирос сетісны дай пельпомөд малыштісны. Ставныс зэв варовөсь да гажаось. Вина вөлі юасьёны...

— Мед но господь отсалас. Коммунистьясыд эськө бурөсь жө вөліны да, ентө тай оз радейтны да асьнысө

накажитіс жö. Кысь нö енлы юрбиттöг да енмöс тöдтöг көсьян овны!?

— Лешак! Ёгор Öнö öд вöлі вөрö тшöктö пышьявны да чуть тыкö нин ог мун. Со вöлөм кутшөм бурöсь белöй-ясыд... Сымда со и водзвывтö тöдан.

Дыр на Илья Васька гозья сёрнитісны. Сэсся Васька лёк дукöс пасьталіс да тшöтш школаö муніс.

VII

Ёгор Öнö вöлі милицияын олö. Сөмын на көсйис краснöйяс ордö пышйыны, да белöйясыд локны удитісны. Рытöдзыс Пекла гөбöчын оліс. Пеклаöс некодлы эз тшöкты висьтавны, весиг аслас бабалы ни, бать-мамлы ни. Ичöтик мешöкө рудзöг сукар пуктöма, бокас, пальто улас, ичöt лыян öшöдöма, зептас суля кодь бомба суйöма да сідзи и олö. Пекла весиг öшинь дорысь некытчö оз ветлы. Гөгөрбок видзöдö, оз-ö кодкө талань лок. Öнöлы дзонь кринча йөв гөбöчас пыртіс да небыд няньөн ставсö тшöктö сёйны.

Рытнас Öнö гөбöчысь петіс да кудельысь аслыс ус да тош вöчис. Ёна зэв Пекла сераліс, тешкодь кажитчö.

— Туй вылын кө тадзи паныд сюран, ме бара-й эг жö нин тэнö тöд,— шуö Пекла.

— Пекла, менсьым тэ ордын олөмсö некодлы эн висьтав. Гашкө, бара на вола. Öні, час, ме тшöтш школаöдзыс ветла да видзöдла көть, мый сэн керсьö. Гашкө, и ог нин вермыв волыныс да... Прöщай, Пекла,— топыда Пеклалысь кисö Öнö кабыртліс да улö копыртчөмөн школаö мөдіс.

Туй вылын уна тöдса паныд сюрлі. Дыр видзөдасны Öнö вылö, да некод оз вермы тöдны. Чайтöны кыськө бокөвöй мужикöс локтіг. Öнö некод вылö прамöя оз видзöдлы, öдйö зэв туй кузя мунö, мед некод оз вермы чужөмсö тöдмавны. Йöз костті öдва вермис школа пытшкө пырны. Ещö öтар-мөдарö йöзсö тойлаліс, ачыс зепсьыс

кисö оз и кыскыв. Школаö пырис да öдзöс дорсянь видзöдö.

Школаын пызанъяссö ставсö вешталöмаöсь стен бердас. Джодж шöрын, кытшын, югид кизяяс ёна зэв йöктöны. Сиктса том зон, Микулай, ыджыд гудöк босьтöма да мый эбöсысь ворсö. Вина дукусла да уна йöзысла керкаын жар. Уна мортлөн чужöм кузьтаыс пöсь визувтö. Вичко старöста садътöм код. Поп сыысь ёна. Белöйяс кодöсь жö, сöмын видзöдысьяс садьöсь.

Öньö дыр сулаліс, дыр видзöдіс гөгöрбок, дыр кисö зептö суйöмөн видзис, сэсся гусьöник сьöвзис да вомгор-улас ёрччыштіс: «Мый нö шыбита да, кутшöм тöлк... Бур йöзыс унджык ранитчас. Найöс тöдтөг видзöдны локтісны». Думыштіс Öньö тайöс да надзöник бөр школаысь довгис-муніс. Пекла ордö ещö на пыраліс, сукар мешöк босьтіс да мөдөдчис вөрö. Туй кузьта сиктыясын пищала йöз довъялöны. Öньöйд, керка костьясöд да карта бокьясті дзебсясигтыр, пыр вөрөдз муніс. Мөд вөлөстьö кöсийс лэччыны, да быдлаын белöйяс легзьöны,— сюрöмысь повзис. Помеча вөрö кайис, кызь верст сайö, да вөр керкаö и овмөдчис.

VIII

Белöйяс тöрыт ёна пö юöмаöсь да, быдөнлөн юрьясыс висялö. Пöкмелитчисны, сэсся ставыс правлениеö мунісны.

Сэні ыджыд начальникыслы нель кабалатор нин сөтöмаöсь. Быд кабалаö ним да ов гижалöма. Начальник лыддьö да шпынняялö.

Правлениеö зэв пöрысь дзор старик локтіс, важ купеч Ёгор да начальник водзö яракодь и сувтіс. Первой гөгöрбокысь видзөдліс йöзсö, сэсся шапкасö босьтöмөн улö копыртчис да начальниклы ыджыд кык кабалатор сетіс:

— Господин начальник, ёна менö тайöяс öбөдитісны. Ставныс коммунистьяс, антикристьяс. Ставнысö колö

джагөдлыны да лыйлыны. Ставныс өд дыш чөрт кодьөсь, нинөм оз уджавны, сөмын йөзлысь мырддявны видзөдчөны. Ме өд кызь во нин төргуйтли. Куим урсянь понди деньгасө чөжны. Прөста өд эг жө озырмы... Лои жө мыйкө уджыштны... Антикристъясыд став эмбурөс менсьым мырддялісны.

— Бур, бур... Ставсө вөчам,— кабала разигмоз начальник сералө да синсө нюкрөдлө.

Кабала вылө ветымын сизим морт гижөма. Быд морт бөрын пасйөма: кодөс колө лыйлыны, кодөс джагөдны, кодөс черөн керавны, кодөс плетьөн нөйтны, кодөс и тюрмаө суйны. Ыджыд начальник ставсө лыддис да салдатлы сетіс.

Мун да тайө йөзсө пыр жө правление дорө вайөд. Қоді пондас пышйыны,— места вылас и лыйө. Код оз понды локны — кералө. Гөгөрвоин?..

— Да, господин капитан!..

— Э-э... господин начальник, меным татшөм пищальсө оз-ө позь тшөтш сетны?.. Кодөссяурө кокыштны?— шуө купеч Ёгор.

Ыджыд начальник паськыда серөктіс да салдатлы тшөктіс медбур сорт пищальсө вайны.

Купеч Ёгор пищаль вылад ёна рад лои. Пельпом вылө вожөдіс да толькө нин джодж кузьтаөдыс тшолкнитіс.

IX

Салдатыяс тэрыба сикт кузьта котравны мөдісны. Старөстаөс босьтөмаөсь да быдсөн тшөтш мучитөмаөсь. Кутшөм морт список вылын эм,— некодөс гортас оз кольны, став семьянас и котөртөдасны.

Илья Васька аслас бабакөд өшинь дорас пукалоны да кыкөн зэв меліа сёрнитөны.

— Аттө, кутшөмөсь йөз!.. Чукөртчөмаөсь да ворсөны, сьылөны, йөктөны, вина юөны... Шуөны, уна пө быд си-

кас төвар локтө. Ной да ситеч пö донтөм воö, чайöн көс-йöны юктөдны и быдсөн...

— Ми көть эськө чайтөгыс нин олам да. Чышъян кө мем сетасны, и сэн нин ыджыд бур лоö... Но, кодъяскö тай нö нин миянлань локтöны. Тайö абу-ö найö, нолытö, видзөдлы.

— Найö тай и эм. Видзөд, быдсөн югыд кизяёсь, сабляёсь, пищалаёсь. Прамöй начальникъяс!.. Татчö öд, тыдалö, локтöны... Со миян кильчö помынöсь нин. Баба, вай регыд лёк кламтö көть чукöрт!— Васька садътөм моз уськөдчис көлуй чукöртны. Друг керкаас вит морт пырисны, быдөн югыд кизяёсь.

— Илья Васьлөн тайö керкаыс лоö?— Чорыдакодь öти салдат горөдис.

— Тайö, донаяс, тайö... Пуксьö да шойччö. Час, чышкыштам лабичысь буссö да позяс öд... Рузумыс нö көнi? Пуксьö, донаяс, пуксьö...— шпынняялөмөн Илья Васька быдөнлы копрасьö.

— Василий Ильич тэ лоан?

— Ме... Ме, донаяс, ме... Ме и лоа. Пуксьö да шойччö... Баба, мун да йөвтортö көть вайышт, гашкö, ичөтика паньыштасны... Миян öд винаыд абу-а. Эськө төдi кө локтөмнытö, öти сулятö корсьли на жö да...

— Но, эн сэн ёна быгзыы. Некор миянлы тэкөд ноксьыныс. Вай, регыд правление дорö мун,— чорыда салдат морт тракнитiс-шуис да Васькалы пагавтөдзыс кулакнас тувкис. Васька ёна зэв повзис, бугыльсö паськөдөмөн ылö бöрынтьчис.

— Кымынысь ещö колö тэд шуны?.. Ы-ы!— Сабля шаркнитiс-кыскис да Васька вылö шеныштчис.

Васька нинөм эз вермы гөгөрвоны. Пельöсö йөжгыльтчис да сулалö, ки-кокыс быдсөн тiралö, сювтчö. Бабаыс повзёмысла эз вермы крепитчынысö да лабичас пуксис.

— Эн сэн зэв дыр көсйы, вай тэрыба пасьтась... Он пасьтась?.. Он кө öд пасьтась — пасьтөгыд муан дай...

Но-о!— Мый эбөсысь салдат Васьлы чужыис да тойла-
лигтырйи ывла ылөдзыс петкөдiс. Мукөд салдатъяс сө-
мын сералөны да сералигтырйи бөрсяныс Васьлысь ба-
басө кыскөны. Туй ылын быдөнөс плетьөн кульөны, не-
кодөс оз жалитны. Коді бөрдө, сылы унджык и инмө.
Уна мортлөн чужөм кузяыс гырды визувтө.

Х

Правление дорын тырыс йөз. Челядь и баба, пөрысь
и том — быдөн локтiсны. Кодөс мырдөн вайөдiсны, кодi
ачыс локтiс... Коді бөрдө, кодi ойзө,— зэв ыджыд шум...
Салдатъяс йөз гөгөр быдсөн ёсь йыла пищальясөн вет-
лөдлөны, быд ногыс ёрччөны. Челядь йөз косттi сiдзи и
суюсьөны, пырөдчөны водзлань. Весиг пөрысь бабаяс
тшөтш воөмаөсь правление дорө да мөда-мөдныскөд
вашкөдчөны.

— Чөв, ныленькой, сакартө пө өд көсйөны вайны и
быдтор.

— Енмыд тай сийө абу тюни... Кысь ме вөтаси да,
быдсөн быттө ангельяс динө волiсны, ставныс вөлины
мичаөсь да шаньөсь... Инiс тай со вөтыд, локтiсны на не-
бось...

— А мыйла нө салдатъясыс татчө йөзсө нөйтiгтырйи
вайисны? Төдан он тэ?..

— Ог, нылөй... Гашкө, мыйкө сетавны көсйөны да.
Шуөны тай: гөль йөзлы пө отсавны көсйөны.

— Чөв, нылө. Кодi пө өни енлы эз кевмы, найөс вич-
коын көсйөны дарйөдны.

— Ой-о-о... Господь...

Друг кылис лыйөм шы. Йөз зэв ёна повзисны. Быдөн
гөгөрбокө видзөдөны. Челядь котөрөн уськөдчисны. Ба-
баяс помвыв дасысь кымын ойөстисны.

— Лыйисны, лыйисны... Менсьым... Ой...— Мый эбөс-
сысь горзө өти баба да юрсисө нетшкигтырйи йөз косттi
котөртө. Чышьянтөм, юрсиыс дзугсьөма, лөзялөма. Дө-



рöмыс косясьöма да морöсыс ставнас кушын. Лолалö тэрыба, пошкö быдөн. Баба бöрся салдат вöтчö да горзö-равзö:

— Кутöй, кутöй!.. Дявöлыд пышйыны көсйö. Он на ылöдзтö пышйы, сюран,— котöртö да кучик плеть киас летьöдлö.

Бабалөн кокыс крукасис да кымыньөн крапкысис-уси.

— А-а, сюрин... Мöдысь пышъян он нин?.. Мöдысь пышъян он нин? Пышъялан он нин?— быд кучкёмö салдат горöдлас. Дасысь кымын кучкис.

Баба мыш вылысь гыр д чепöсйис. Баба куйлö да оз шыась. Сöмын сыркьялёмөн шочиника лолалö.

Правлениедорса йöз ёна зэв повзисны. Пöрысь бабаяс дыр кыв шуны эз вермыны. Вом паськөдёмөн дыр на олісны. Сэсся пернапас чөвтисны да разöдчыны мөдісны. Бабаяс ёна на дыр бöрдисны. Челядь ставныс бокö котöртисны.

Недыр мысти правление дор кушмыны кутіс. Сы бо-кысь мужик морт тыдалö. Öтнас, нинöмысь повтөг куйлö,

чужо́мыс гёрдо́дома, весиг оз вёрзбодчы. Сөмын бокөдыс гёрд шор визувтөма. Правление сайын баба куйло. Мужик моз бокас эм жө гёрд шор, сөмын сийө сыркъяло на да шочиника лолалө.

Правление пытшкын ойзөм шыяс кылөны. Челядь ёна и бөрдасны.

XI

Ёгор Оньө вөр керкаын өтрасөн оло. Зэв уна стречувьяс чукөртөма да быдсөн пес выло чегъяломма. Черыс абу да, чертөгыд сьөкыдджык жө кажитчө. Мый ковмас, ставсө пуртөн вөлалө. Прамөйджык сёяныс нинөм абу. Сукар мешөк кодьтө тай босьтліс, сийө эм на жө. Тшамъяас ветліс да сёянторйыс нинөм жө эз сюр. Рачьяс да мый эськө эмөсь, да пуныс тай нинөм абу-а. Ичөт лыянысь пөткаяс лыйны оз позь, а мукөд сикас пищальяс абуось дай.

Оньө вежон чөж нин өтрасөн оло. Весиг өти мортөс на эз аддзыв. Керка лөскысь эськө капканъяс аддзис да бара лызь ни, зыр ни абу. Муртса тэльөб кодь зыр вөлалис да сідзи и муніс көч кыйны. Вит капкан октіс.

Өтчюд, көч кыйгад вөрөдыд ветлігөн, Оньөлы паныд сюрн Ольөш Илля, өти сиктса мужик, сусед морт. Ольөш Илля ёна и шензяс.

— Аттө морө, коді нө тэнө татысь чайтас!.. Некод өд оз төд. Төндзи на батыд вөлі шогсьө: кытчө пө бара муніс-а?.. Мыйла нө гортсаыдлы некодлы он висьтав?..

— Сідзтө өд, Илля дядь, оз позь. Қазявны вермасны.

Дыр сёрнитісны. Оньө став оломсө юасис. Илляыд кызкө озджык сяммы ёнасө висьтавлыныс. Сідз-тадз ылөсөн өткымынтор висьталіс. Сэсся Оньө ассьыс батысө корис да нянь тшөктіс вайны. Аскөдыс аддзысьломсө сэсся некодлы эз тшөкты висьтавны.

Илляыд гортас локтіс да, мудз йывсьыд неуна юыштіс. Юөм бөрад мортыд век варовмыштө. Мукөд дырйи

он и тӱдлы, мый шусьылас. Илля дукӱссӱ пасьтавны пондӱс да аслас бабалы и шуӱ:

— Ёгорӱдз, час, ветла. Пиыс тай вӱлі тшӱктӱ да.

— Кутшӱм пи?.. Кытысь нӱ аддзылін?..

— Ягас тай вӱлі кӱч кыйӱ, ветлӱ.

— Со... Вот и Ӑньӱ... Гортас кутшӱма шогсьӱны-а, сийӱ сӱні со, бокас и вӱлӱма.

Илля дядь Ёгор ордӱ мунӱс да став семья дырйиыс ӱдйӱ и висьталӱ Ӑньӱ йывсьыс. Ёгорлӱн ставныс радӱсь лонны. Ёгора пыр и вӱрӱ кайны лӱсьӱдчыны кутӱс. Мамысьяс нопьяс тӱрыба сӱвтӱсны. Уна сӱян-юан лӱсьӱдӱсны.

Ӑньӱ вӱр керкаӱ водӱма да ружтӱ. Ёна быдсяматорсӱ думайтӱ. Думнас быдлаӱ волас.

Друг шарӱдчӱм шы пондӱс кывны. Ӑньӱ ёна зӱв повзис. Муртса кӱмсӱ суйыштӱс да ичӱт лыянӱн ӱдзӱс костӱд чургӱдчис.

— О, батӱ вӱлӱма!?— радысла сӱдзи и уськӱдчис. Некутшӱм пасьтасьӱм эз ков.

Тӱрыба вӱвьяс лӱдзалӱсны, эштӱдчисны да керкаӱ пырисны. Керкаын пач ломтӱсны, би дорын ёна варовитӱны.

— Мамыд, зонмӱ, ёна нин вӱлі шогсьӱ. Ловья ли, абу ли пӱ...

— Найӱ ӱд, дерт нин, шогсясны. Мый нӱ сӱсся, кутшӱма нин белӱйясыд олӱны? Мыйяс сӱрнитӱны?

— Омӱль, зонмӱ, олӱм пондӱс лоны. Некутчӱ петны он лысьт. Миянӱ нӱльысь кымын нин шобсьыны волӱсны. Век тӱнӱ юасьӱны. Кытчӱсюрӱ сӱдзи и швачкасны-кучкасны, дзик садь быртӱдзыд лолӱ. Тӱндзи мамыдлы сояс кучкисны, да ӱні на пыр сойтӱмалӱ. Менӱ, зон, ёна жӱ нин нӱйтлӱсны!.. Ок, ёна!..

— Краснӱйясыс некӱн на оз нимавны?..

— Оз на прамӱясӱ нинӱм... Ёна нин эськӱ мукӱдыс белӱй вылад дӱзмӱмаӱсь да. Краснӱй праватӱ бӱр нин виччысьӱны.

— Белёйлы регыд пом воас... Дыр овны оз вермыны. Зэв уна йёз налён абу на.

— Ог бара тёд. Мыйкё тай шуоны Печорасянь зэв уна пушкаяс вайигён-а. Салдатъяс пё зэв унаён локтёны, дай уна пё быд сикас товар вайёны... Быдтор пё локтё.

— Сійё эськё унджыксё пөръявлёны да. Мудерось өд найё. Ёна ылөдчасны, мед тэ на дор олан. Бёртинас сэсса кокыштны и видзөдчёны. Ті, бать, налысь эн кывзёй.

— Ог тёд нин, мый сэсса керсыны. Весиг некутшөм оланног абу.

— Неунасё терпитлам да өд, бөрас мыйкё лоас жё. Краснөйясыд локтасны да мездасны.

Ая-пия дыр на сёрнитисны. Быдторсё мыйкё варовитисны. Рачын көч пуисны да мичаөдз ужнайтисны. Пёт-төдз сөйисны. Водисны узьны.

XII

Сиктъясын вьльторйыд өдийё и паськалө. Илляыд муртса на висьталіс, а бабаыс суседас петаліс да пыр и вашнитіс. Ёгор Ёньөыд зэв регыдөн кывсис. Быдөн сорикості пондісны сёрнитны.

Коркө сэсса Ёньөыд и белөйяслы кывсис. Ёгор ордө морт дас кымын ыджыд пищальясөн локтисны. Ставныс ёрччөны да корсысьсьөны.

— Кытөні пиыд?.. Кытчө дзебинныд?— горзөны Ёньө мам ылө.

— Но, господьё, прөститө, эз на гортө волы да...

— Кытөні нө көзяиныд, пөрысь мужикыд?

— Ягө тай песла кайис да, век на со эз лок. Пөрысь-ыдлы дыр тырмө ветлыныд.

— Энө ылөдчө. Ставсө нин өд төдам. Вай буди висьтав, кытөнөсь? Он кө, став кучиктө кулям,— горөдіс өти югыд кизя салдат да плетьнас юр гөгөрыс шаркнитіс.

Пөрысь бабаыд ёна и повзис. Пуксис лабичас да эз нин шыасьлы.

...Ёгора шутьялө да лэччө. Вөвлы кучкыштас да, бара. Пикөд аддзысьліс да долыд. Мукөд дырйи төдлытөг ыджыда серамыс петас. Ас думнас уна сёрни лосьөдлас. Гортсаяссө көсйылас пөрйөдлыны, сэсся бара думыштас да, оз нин көсйи пөръявны: найө пө өд сьөлөмсянь жө виччысьöны. Кутшөмкө өд да мам жө дай баба.

Сиктланьөд Ёгора өддзөдыштіс вөвсө. Кымын матысман, сымын регыдджык гортө локны гажыд петө. Дай вөлыд гортланьыд восьлалөджык.

Белөйяс век на Ёгор ордын корсьысьöны. Став сарайсө и картасө гурйисны. Некысь нинөм эз аддзыны. Зэв ёна ёрччөны-видчөны. Кодлысюрө сідзи и косивайтöны-кучкалöны. Карта вывсьыс мосьяссө мыйкө кучкалісны.

Ёгорыд муртса на сувтіс, кильчө дорас салдатъяс пыр и кытшалісны. Вөвсө бергөдісны да бөр тшөктöны пи дорас нуны. Öньөлөн бабаыс да мамыс эськө уськөдчылісны жө мездысьны да, нинөм эз вермыны керсьыны. Сöмын аслыныс бокас плеть туй сюри гырды чепөсйытөдз.

Ёгораөс додь нырас ямщичайтны пуксьөдісны, сэсся ещө öти вөв босьтісны да дас салдат мөдөдчисны. Öдйө вөтлыны тшөктöны. Ёгораөс быттьө вины и көсйöны, плетьөн бокас сөмын кульыштасны.

Ёгора эськө первойсө эз көсйи мунны, да бугыльтө перьялөмысь неуна повзьяштіскөдь. Юрсө öшөдіс да вөвсө туй вылас веськөдіс. Нинөм некодлы оз шыась. Плетьнад кучкасны, да сөмын яйсө тіркнитлас, весиг оз ойөстлы. Сөмын синваыс тюргөмөн петө. Вөлыс эськө ёна нин мудзөма да плетьнад нөйтігөн быть лоө котөртны. Доддяс вит мужик пукалöны да ёна öдйөтө он зэв рөдты.

...Öньöлы талун кык көч шедөма да самөй кульны босьтчөма. Мыйкө нин мөвпаліс: да өд батыс ичөтика водзджык лэччыны удитіс, көть со гөснеч вөлі мөдөд да. Номсалан инас лөка лөсьыда сөйис.

Друг сёрни кыліс. Көсйис на видзөдлыны, а өдзөс дорсяныс өти салдат лыянсө морөсас нин чургөдөма. Мый и керны? Ичөт лыяныс дукөс зептас лои. Бомбасө гартыштис да керка вольөс улас пельөсас суйис. Некиды нин он вермы водзсасыны.

Онью ещө на керка пытшкө уськөдчыліс, көсйис лыян босьтны да бөр ставсө вөтлыны. Нинөм вылө эз көсйись сетчыны. Эз на удит воськовтнысө, а белөй салдатыд кыкысь нин сылы лыйис, кияс дай кокас веськалі. Петны тшөктөны. Он кө пө пет, ещө на лыям.

Онбөлөн кыкнан ранатыс гыр д визувтө. Кокас эськө абу ёнасө веськалөма, а киясыс став яйсө нөбалөма. Онью кисө лэптөмөн ывла вылө петис.

Салдат петігкостыс и плетьөн косыштіс. Батыс эськө ранасө Онбөлысь көртавыны көсйис отсыштны, да өти салдат ылө тойыштіс. Усьтөдзис лои.

Белөйяс весиг оз жалитны, мый эбөссыс кульөны-нөйтөны Онбөос. Öти мудзас да мөд босьтсяс. Онбөос садь быртөдзис нөйтисны нин, дзик кулөм морт кодь куйлө, а век на нөйтөны. Сэсся пөтисны, ставныс мудзисны. Вөв доддьө пуктисны да сиктө лэччөдны көсийөны. Батыс доддяс вевттис, мед эськө дзикөдзсө оз жө кынмы.

Ёгоралөн вөлыс ёна нин мудзөма: өтарө-мөдарө өд нин шойччывтөг ветліс дай өні бара эз шойччөдны. Эбөсыс дзикөдз нин бырөма. Плетьнас эськө кучкаласны жө да, дзик веськодь, быттө оз и кивлы. Зэв надзөн довгө.

— Мыйла нө скөтинасө нөйтанныд? Кывтөм пемөстө өд оз жө ков сэтшөма өбөдитны. Öд коймөд пөв нин таті мунам да, эг на шойччөдлө... Та мында мужикылөн өд сьөкта жө эм, кыскыны колө,— зэв сьөлөмысь шуө Ёгор.

Збыльысь өд додьясыс сьөкыдөсь. Квайт мортөн вөв вылө. Муртса төрөны доддяс. Подөн некод оз көсйи мунны. Онбөос водтөдөмаөсь да, зэв уна местасө босьтөма. Ачыс дзик нин кулөмакодь. Весиг быттө оз и лолав.

— Час инө кокньөдыштам... Шыбитөй тайөс вөрас.

чѳрту, мед катша-ракаяс сѳясны,— шуѳ салдат аслас
войтырѳясыслы.

Егор эськѳ оз тшѳкты, да сылысь оз кывзыны. Унатор
на кѳсйис шуавны, да плетьѳн дугѳдйсны. Куим-ѳ-нѳ-
лысь бокас кучкисны.

Сиктланьѳ пондйсны матысмыны, дай Егортѳ вѳв
додьсьыд тойыштйсны. Егор эськѳ важѳнсянь нин вѳлй
кѳсйѳ кольчыны да, некыз эз лѳдзны, вошѳмысь полѳ-
ны. Вѳвѳясыс эськѳ воськолѳн мунѳны да кольнысѳ весиг
оз вермыны, пода морт дорысь надзѳнджык довгѳны.

Егор гортѳдзис эз и ветлы. Первойя сиктас сувтис.
Белѳйясыд первойя сиктас жѳ сувтисны. Вылъ вѳвѳяс
босьтйсны сиктѳ лѳччыны. Егор вѳв жѳ корсьѳ. Белѳйяс
мунтѳдз некод эз сет. Мунйсны белѳйясыс да аслас рѳд-
нялысь и доддялис. Тулуп ещѳ босьтис да ѳдйѳ и мѳдйс.

Ѳнѳѳ век на куйлѳ. Дзик кулѳмакодъ. Егор видлалѳ
да яйыс мыйкѳ шоныдкодъ на кажитчѳ. Тулупѳн лѳсьыда
гартис да небыда доддѳѳ пуктис. Ена зѳв тѳрмасѳѳ, вѳвсѳ
бергѳдйс сиктлань да пыр навыскокѳн локтис.

XIII

Ыджыд сьѳд мыр дорѳ биасѳѳмаѳсь да би гѳгѳрын
дас кык морт пукалѳны, ставныс мужикѳяс. Сѳрнитны
заводитчасны да, сѳрниыс оз гартчы. Быдѳнлѳн бытѳѳ
дышыс петѳ, кык-ѳ-куим кыв шуасны да бѳр дугдасны.
Кыв шуасны да биа стречув шыбитасны. Би киньыс усь-
кѳдчѳмѳн вывлань ѳдѳбтылас да надзѳник бѳр лѳччас.
Ѳти мужик ыджыд сѳрапом босьтис да бисѳ гудрыштѳ-
мѳн и шуѳ:

— Весиг ѳд ѳти патрон абу. Паныдасям кѳ, нинѳм ѳг
вермѳй вѳчны, ставнымѳс пленѳ босьтасны,— шуис да
пыдйсянь лолыштис.

Мужикѳяс дыр нин вѳрті ветлѳны. Первойсѳ вѳлйны
квйтѳн, сѳсся дас кыкѳдз содйсны. Дас кыкнаныс ком-
мунистьяс, гѳль йѳз дор олысьяс. Краснѳй дорѳ кѳсйис-

ны пышйыны да эз удитны, белёйясыд туйсё орёдісны. Оні сэсса некыз толксё корсьны оз вермыны. Кёсийоны пыр вөрөд мунны, туйё петавтөг, да няньыс некодлөн абу. Сиктьясё петавны полёны, быдлаын белёйяс. Ас пильыс өтиёс юралысьё бөрйисны да сылысь быдтор кывзёны.

Белёйяс важысянь нин коммунистьястё корсьёны. Важён нин мужикъяслөн вөрөд ветлөмыс кывсьыліс. Быд сиктын кутны кыйөдчёны. Уна сиктса мужикъяслы дон кёсийсны сетны, коммунистьяслысь оланінсё кё төдмаласны. Мукод мужикъяслы нимкодь, нарoшнө вөрөдз ветласны да ёна дзорьяласны, смекайтасны.

Сейтөгьд ёна гажтөм овнытө. Тöрыт войтыр өти тшамьяё веськалісны да ещö на сукарторьяс сёйышталісны, а талун нинөм на эз сёйны. Кузь пемыд вёрсьыд оз зэв тшөкыда сёйнытө сюр, сиктьясыд шочөсь, дай быд сиктын белёйяс эмөсь, пыр лоө повны.

Талун мужикьяс-коммунистьяс рытөдзыс сёйтөг ветлісны. Рытьядорнас куш вылө петісны.

— Но-о, тані, тыдалө, олысьяс эмөсь!.. Вай өти морт ветлө да төдмалө, мый сәні керсьө. Колө эськө няньтор кыськө судзөдны,— шуө юралысьыс.

Сиктө мунысь регьд и сюри. Некутшөм ёна бөрйысьём эз ков. Быдөн вөлі кёсийоны мунны да юралысь медсьюсь вылө индіс. Юралысь — морт шань, быдөн сылысь кывзёны.

Сиктө ветлысь регьд бөр локтіс. Киняулас ыджыд нянь тупөсь вайө. Быдсөн нюмдылас. Ачыс мудзөма да пошкө.

— Куим керкаө волі. Ставсё төдмалі. Öти бур тьötка тупөсь нянь сетіс. Налө, сёйө,— чургөдө юралысьылы.

Юралысь зэв кузь пурт кыскис да няньсө торйөдлг-моз юасьё:

— Уна-ө тані белёйясыс?.. Мый вөчöны?.. Кытöні олоны?..

— Белёйясыд тайө сиктас абу зэв уна, морт дас, гаш-

кө, эм. Өти керкаө пыралі да, оз зэв ёна белөйтө ошкыны. Ёна пө голь йөз вылас чиганитчөны. Вина пө юоны да олөны.

Юралысь думыштчис. Юрсө өшөдөмөн дыр пукаліс. Нянь сёйигөн өтторйө юрнас лётнитлас. Сэсся бөртинас шуө:

— Ёртъяс, ме зэв ыджыдтор думышти. Ог төд мый ті шуанныд? Миян эм кык пищаль, а патроныд ньөти абу. Вай тайө сиктас ставөн ветламө да уськөдчылам. Гашкө, мыйкө и сюрас. Мед эськө миянөс оз и төдлыны, гусьөнджык колө вөчны. Вай кык пельө торйөдчам. Кор ме шутёвта, ставныд ме дорө локтө.

Войтыр думыштчисны. Мукөдлөн быдсөн серамыс петышти. Мукөдьяс пиньсө векуштөмөн кулаксө гөрдзалісны да вомгорулас чорыда ёрччыштисны.

Эз ков зэв дыр көсйөм. Бурджыка пасьтасисны, лөсьөдісны пуртъяс да ньөжйөник мөдөдчисны. Медводзвылас муно юралысьыс. Сикт дорө сувтыштлисны. Войтырөс юралысьыс тшөктіс тетюртчывны да өтнасөн сиктө муніс.

Сиктын том йөз войпукны петөмаөсь, быдөн гудөкасьөны, сьылөны да йөктөны. Том йөз бөрся белөй салдатъяс тшөтш ветлөны, нывъясөс кыйөдөны. Первойсө унаөн вөліны да том йөз вылад ёна чиганитчисны, ёна нывъястө өбөдитлісны. Өні этшанад колины да неуна полөныджык, вывтисө оз зэв тешитчыны йөз вылад. Зонъясөс куритөдасны да табак вылад найө радөсь.

Коммунистьяслөн юралысь ёна гусьөн ветлөдліс сикт кузя да став белөйяссө төдмаліс, быд керка дорө воліс. Войтыр дінө локтіс да гусьөник вашкөдө:

— Ёртъяс, нинөмысь повны. Белөйыс сөмын морт дас татөні. Куим керкаын олөны. Пыранныд да некодөс эн өбөдитө. Ружьясөс босьтө да бөр петө. Унджыкыс войпукалөны, абу гортасөсь. Караулас некод оз сулав. Өти джыннад муно то эсйө керкаас, мөдыс локтө ме бөрся. Коймөд керкаас өтлаын ставөн мунам. Сэні начальник

кодъыс олӧ да мудераджык колӧ вӧчны. Тышкасигас шумсӧ энӧ вӧчӧ. Мырддяланнуд да петігад ӧдзӧс дорас караул сувтӧдӧ, мед некодӧс ывлаас не лӧдзны. Шутӧвта да, ставнуд чукӧртчӧ.

Зӧв чӧла восьлалӧны. Торійӧдчисны, кык пельӧн му- нӧны. Керка бокъясті дзебсясигмоз кыссьӧны. Сикт кузя мукӧд керкаас биаӧсь, мукӧдас битӧмӧсь. Белӧй олан керкаясын биаӧсь на.

Войтыр кык керкаысь лӧсьыда мынісны, некутшӧм зык прамӧя эз вӧв. Ӧти керкаас самӧй вӧлі ужнайтӧны да пызан сайысь чеччыны лӧдзлытӧг и став уджсӧ вӧчисны. Коймӧд керкаас неуна сьӧкыдджык вӧлі. Юралысь ӧшинь пырыс видзӧдліс да ӧти салдатӧс аддзис: пызан дорас пукалӧ да ичӧт лыяннас ворсӧ. Сӧсся мукӧдъясыс кӧтшас лабичас пукалӧны. Унаӧнкодъ да мыйкӧ зӧв ӧна сӧрнитӧны.

Коммунистьяс зӧв гусьӧник посводзӧдыс пырисны. Юралысь морт войтырӧс ӧдзӧс дорас сувтӧдіс да ӧтна- сӧн и пырис. Шутӧвтӧм бӧрын мукӧдсӧ тшӧтш тшӧктіс пырны. Ачыс ӧти войтырлысь юрсъыс шапкасӧ кульыш- тіс да ӧкмылялӧмӧн сійӧс пыртӧ. Пыртіс да тӧрыба пер- напас чӧвтис. Сӧсся зӧв жӧ тӧрыба шуӧ:

— Господиньяс, вый тіянлы оз-ӧ ков? Табак абу да, гашкӧ, вый вылас неуна кӧть сетыштанныд,— ачыс ӧтар- рӧ пызан дорас матыстчӧ.

— Вый!.. Мыйла нӧ оз, колӧ бара...

— Зӧв ӧд чӧскыд выйыс, свежӧй на. Баба муртса сӧ- дзӧдны удитіс. Пыр и гусьышти,— шапкасӧ видлалӧ, быттьӧ разны кӧсйӧ, ачыс ӧтарӧ матыстчӧ и матыстчӧ. Дзик пызан дінас локтіс да кызди тай кватитас ичӧт лыянсӧ да шутӧвтис, белӧйясыд шӧйӧ-пӧйӧ вошины. Му- кӧд войтыр сӧсся уськӧдчисны посводзсянь да тӧрыба лыйсян кӧлуйсӧ мырддялісны. Асьнысӧ некодӧс эз вӧрӧ- шитны, сідзи и мунісны. Нянь тай тув витӧн кымын морт вылӧ босьтісны.

Ёна и радлісны. Қокъясныс сідзи и котөртөдөны. Ылө мунісны да пожөма вөрө ыджыда биасисны. Би дорын став прөмыссө раддзөдлісны. Қөкъямыс винтовка, нель ичөт лыян да со куим-ө-нель патрон сюрөма.

— Аттө, ерөмаканьө, тадзикө эськөн быд рыт,— шуө өти ёрт.

— Да, краснөйясыд кө эськөн матынөсь, ёна отсасям.

XIV

— Вєсьшөрө эн лыйлө. Бура метитчө. Кытчө веськалө, сэтчө и гогныштө. Патроныд зєв нин этша коли. Гөгөр кытшалөмаөсь, мунны некытчө,— быдөнлы тувкөдө коммунистьяслөн юралысь.

Войтыр ёна водзсасьөны. Кытш вөчөмаөсь да гөгөр-бок лыйлөны. Коді чургөдчас, сылы и пасьнитасны-лыясны. Кытчө веськалө, сэтчө и шковгөны. Уна морт нин ранитісны.

Белөйяс локтөмаөсь унаөн, сө мортысь унджыкөн. Гөгөр кытшалөмаөсь да некодөс пышйынысө оз лэдзны. Мортъяс дінас матыстчыны бара жө оз лысьтны. Быдөн лыйөмысь полөны. Ёна жө бура метитчөмөн өд и лыйлөны да!.. Муртса на чеччөны, пыр и ранитасны.

Коммунистьяс медбөрья патроньяссө нин лыйлөны. Винтовкаяссыс ставыс нин бырөма. Ичөт лыянас тай неуна эм на, да сійөн водзсасьөны. На вывті пуляясыс сідзи и шутьялөны-ветлөны. Белөйясыд оз жалитны, вылас вылө сідзи и кульөны-луйлөны.

Некутшөм төлк эз босьт. Белөйясыд некыз эз вермыны сибөдчыны. Сэсся налөн начальникыс мудеркодь да мудеравны көсйө. Лыйсьөмысь ставсө дугөдіс, еджыд флаг лэптис. «Миритчам пө,— шуө.— Вай пө бурөн сетчө, нинөм пө огө вөчө».

Юралысь коммунистьяслөн думыштчис. Юрсө гыж-гыж керис да войтыр вылө видзөдө, дыр видзөдө, сэсся бара еджыд флаг вылө видзөдлас. Зєпсө гудйыштіс да,

нинӧм оз сюр, весиг ӧти патрон абу кольӧма. Дыр на чӧла оліс, сӧсся войтырлысь юалӧ:

— Ёртъяс, мый нӧ вӧчанныд?.. Патроныд ӧд кӧні нин абу. Пленӧ сетчам али огӧ?..

— Вайӧ сетчамӧ... Гашкӧ, краснӧйясыд регыд воасны да мездасны. Зӧв нин тӧлысь тюрьмаын видзасны.

— Быть ӧд сетчы... Мыйӧн нӧ водзсаян?— скӧрысь-кодъ шуӧ ӧтик мужик.

Юралысь ньӧжйӧник шапкасӧ босьтис да пищаль помас пуктис, сӧсся ньӧжйӧник жӧ вылӧ лӧптис, ӧтарӧ-мӧдарӧ ӧвтыштис.

Белӧйяс ӧна радӧсь лоины. Быдӧн сувтисны да кытш-нас ставнас пондисны матыстчыны. Начальникыс матысмис да ружьяяс тшӧктӧ пуктавны.

Юралысь ещӧ на ӧтчыд войтыр вылӧ видзӧдліс. Му-кӧд войтыр пищальсӧ пукталӧмаӧсь нин, ставыс нин мусас. Юралысь ньӧжйӧникӧн тшӧтш пуктис, нинӧм шутӧг мышкас кисӧ вежыньтӧмӧн зӧв тшапа сувтис.

— А-а, сюринныд!— горӧдіс белӧй начальник. Тшӧктӧ пӧрччысьны.

Салдатъяс зіля уджалӧны. Быдлаті шобисны да нинӧм эз сюр. Дзик пасьтӧгыс пӧрччӧдлісны, кӧмтӧгыс лым вылас ӧна дыр видзисны. Коді кымӧ да дрӧжжитӧ, сылы пель бокас кучкасны. Коммунистьяс некод нинӧм оз шыасьны. Мый тшӧктасны, сійӧ и вӧчӧны, весиг оз ойӧстлыны. Дыр на мучитисны. Сӧсся пасьтӧдісны да сиктӧ лӧччӧдісны, ыджыд начальник дорӧ.

Белӧйлӧн ыджыд начальникыс плеть босьтӧма, джоджӧдыс сӧмын нин тшолкнитас. Плеть йылыс пӧтӧлӧк-ӧдзыс кайлӧ. Горӧдлас да, быдсӧн ӧшиньыс тиркнитлас. Муртса на коммунистьясӧс пыртисны, пыр и плетьнас кульны пондис.

— Сюринныд... дявӧльяс, морт сӧйысьяс. Эжваас колӧ лӧччӧдны да ставнытӧ пасьтӧгыд купайтны,— мый эбӧссьыс плетьнас кучкас. Кытчӧ веськалӧ, сӧтчӧ и вӧлыштӧ. Уна мортлӧн нин гыр д чепӧсийс.

Мукөд белöй салдатьясыс видзөдласны да сöмын серөктасны. Қыв шуны оз лысьтны, ёна начальниксыс полöны.

— Играйтчö... Тешитчö... Миянөс öнi верманныд, но став уджалысь йөзсö вины он вермө. Регыд нин тешитчöмыдлы пом воас. Регыд пель бокныд шонавлас,— петіс джодж шöрас коммунистьяслөн юралысьыс да синсö арыштöмөн чорыда и шуис.

— Мый!.. Ещö и мекөд сёрнитны лысьтан... Мунö, регыдджык нуö татысь ставсö. Пасьтöгыс пöрчөдöй да, бокъяссьыс став кучиксö кульö,— ёна зэв начальникыс скөрмис. Скöрысла весиг сёрниыс оз артмы. Быдсөн сьютчö. Плетьнас көсйö öвтыштны да плеть помыс аслыс чужöмас швачкис. Ещö ёна скөрмис да мый эбөссьыс плетьсö шыбитіс. Плетьыс аслас салдатлы чужöмас инмис да салдатыд тшöтш ёна скөрмис. Сöмын öд начальник вылас скöравнысö оз лысьт, став скöрсö коммунистьяс вылө лэдзис.

Салдатьяс тешитчынытö кужöны. Ставсö пöрчөдісны, öти улыс гач кежсьыс колисны да пасьтöгыс лым вывтыыс котöртөдöны. Ставныс көмтöмөсь. Мукөд салдатьясыс öд ещö нарошнö ворсöны, бытьтö вöв юктавны лэччөдöны.

Йөз юрсö чурйөдлöны, көсйöны видзөдлыны да некодлөн сёлöмыс оз лэпты. Быдөнлөн синваыс петö.

Мортъясөс йи вылөдз котöртөдісны. Эжва вылөдз. Коммунистьяс асьныс ставныс көмтöмөсь да пасьтöмөсь, а некутшöм кыммөм оз тöдчы. Став яйыс нин дубалöма.

— Вай паськыд юкмөс кералö. Коді кералас, сылы награда сетам, кыкысь плетьөн кучкам,— сералігтыр шуöны салдатьяс.

Коммунистьяслөн юралысь чер босьтіс да тэрыба йи пондіс керавны. Öти здукөн и юкмөсыд артмис. Сэсся сувтіс да салдатьяслы шуö:

— Ёртъяс, зэв öмөй тiянлы öти пуляыд жаль. Вай



көтө лыйлө миянөс да вөлись вөйтө. Морт сьөлөм кө тиян эм...

— Молчать, чөрт!— горөдис салдатьяслөн начальни-
кыс да плетьөн кулыштис.

Войтырөс ставнысө спинаөн юкмөслань бергөдисны, сөсся өтиөн-өтиөн и виалисны. Юкмөс дорас ваясны, начальникыс плетьнас кучкас, сөсся ваас тойыштас, кучкас да тойыштас. Сидзи ставсө ловйөннас и сюялисны. Эжвалөн визулыс ыджыд. Мортыд усьө да пыр и йи улас кыскас, сөсся гольгигтырйи йи увтыс кывтө.

XV

Гөльдзык йөзюдлы быд ногөн сьөкыдджык. Белөйяс быдөнөс вина тшөктөны вөчны. Талун өти вөчас, аски мөд. Гөль мортыдлөн сөйнысө няныс абу, а кысь нин вина вөчны лишалас. Ёна и нөйтлисны. Быдторйысь нөй-

тöны. Гöль мортыд быдторйысь мыжа: Сöвет дор олö-
мысь нöйтöны, гöльла нöйтöны.

Ёна нин и йöзыд скöрмисны. Оланног эз понды лоны. Белöйяс пыр юöны да йöз вылын играйтчöны. Белöйяс плетътöгыд воськов сайöдз оз мунны. Некытчö петны он лысьт, пыр быттьö мыйыськö лоö повны. Аслад гортыд абу и горт кодь.

Белöйяс крестьяналысь вöвъяс нуасны да дзонь ве-
жон чöж новлöдласны, сэтшöма омöльтöдасны...

— Дыр-ö нин тайöяс оз весасьны-а?— Öтчыл уна му-
жик чукöртчöмаöсь да ас костаныс сёрнитöны.

— Мыйла нö мунасны! Дивъя овнытö, быдтор сетö-
ны да!..

— Кыдзи нö эськөн он сет, öд ставсö асьныс босьтö-
ны. Майбырöй, сетöмыд тай небось оз на ков, регыл ась-
ныс аддзасны да страпайтасны.

— Кытчöдз краснöйясыд оз вöтлыны, тайöяс оз нин
бара мунны. Краснöйясыд пö эськөн регыл нин локтас-
ны да.

— Ог тöд нин. Мыйкö тай висьталöны; регыл да ре-
гыл, а он нин сэсся, тыдалö, вермы виччысьнытö —
ыджыд видз кузя налөн локтöмыс кажитчö нин.

— Первойсö сы пыдди белöйястö вывтi лöсьыда вич-
чысисны.

— Сöтана нин эськö тайö белöйясыд да. Ад горшь-
яс, ставнымöс этша вильöдiсны нин.

— Вайö либö краснöй дор гижсямö да усыкöдчыла-
мö... Мый нö наысь повныс. Налөн öд абу уна йöз, вер-
мам... Краснöйыл локтас да отсалас.

— Чöв, друг, дугды. Немтор абусö тай сёрнитан.
Мыйөн нö пондам косясьны? Кулакнад öд он пет...

— Тайöясöс эськö позьö на и кулакөн повзьöдны да.
Сэсся öд налысь ружьесö мырддялам... Вермам!..

— Ог тöд... Немтор, ме чайта, оз ло.

Друг пырис югыд кизя белöй салдат да джодж шö-
рас стукнитiс.

— Кутшөм тані йөз чукөр? Коді тшөктіс тiянос чу-
көртчыны?..

— Сэссия өмөй некытчө нин весиг гөститны петавны
оз позь?

— Мы-ы-й, ещө и сёрнитны?!— Кульыштіс плетьөн.
Белөйяс ёна сёрнитны оз лэдзны.

Челядълөн весь оз овсы, пель налөн ёсь, быдтор быд-
лаысь кывзёны, быдтор аддзёны. Мыйён кывласны ли,
аддзыласны ли, котөрөн Сандрө Степан ордө мунасны.
Сэссия Степанлы дзик ставсө висьталасны.

Степан война вывсянь гортас отпускө локтіс да сэссия
белөй улө и коли. Гортас прөстой мужик моз олө. Нем-
тор прамөя оз төд, некытчө оз ветлы, ёна уна лишнөй-
тор оз сёрнит. Ачыс мыйкө век гижышталө. Челядь вись-
таласны да, налысь сёрнисө пыр и пасйыштас. Зэв нин
уна кабалаторьясө гижалөма. Войнас сэссия, вой шөр
кадын, лазья мужик воylvлө. Муртса Степан ордөдз
пырыштлас, кыв-мөд вашкөдас, кабалаторьяс босьтас
да бөр довгас-мунас. Тадзи быд рыт.

XVI

Карысь став коммунистьяс нин мунісны. Белөйяскөд
нинөмөн косясьны да сэссия быть лоө пышйыны. Воча
белөйяскөд тышкасьны дзонь рота салдат мөдөдлісны,
ставнас белөй ки улө сетчисны. Прокушев пөрьясьөмөн
став краснөйсө вузаліс, сэссия ачыс белөй начальникө
пуксис, зөлөтөй погоньяс вураліс, тшөтш пондіс крас-
нөй вылө воны.

Коді вөлөн, коді подөн, коді котөрөн, коді восьлөн —
быдсөн тэрмасьёны, туй тырөн мунёны. Медбөрас морт
дас кымын мужикьяс кольччөмабсь да өтчукөрын, йөз-
лысь сёрнияс кывзігтырйи, мунёны. Оз и зэв ёнасө тэр-
масьны. Быдөнлөн ружье эм дай патроньяс эмось.

Белөйясөс быд сиктын звөнөн виччысьёны. Оз на ты-
давы некытөні, а звөнитөны нин. Дас морт краснөйяс.

Нурйō шойччыны пыралісны, да водзвылын звōн шы пондїс кывны. Межадорас зэв гораа звōнитōны, жынянъясыс быдсōн юргōны. Вичко стōрōж куимысь нин вичко йылас кайліс, куим пōрйō нин кынмытōдзыс звōнитіс да попыс бара на ыстō. Лунтыр тшōктō звōнитны. Верст кōкъямыс на Нурсяньыс Межадорōдзыс, а звōн шы зэв гораа кылō. Краснōйяс повзисныкодъ.

— Кызди нō мянōс ордыныс вермисны?— шуō ѓти краснōй ѓрт.

— Ог тōд... Рєгыдджык колō бокōдыс мунны. Эстōні небылы сикт эм, сэтчō мунам да кодōскō вōрōдыс веськыда тшōктам колльōдны.

Краснōйяс даснаныс Понгорттуй сиктōдз локтїсны. Ъвлаын пемыд нин. Войтыр ыджыд, гажакодъ керкаō пырисны да ставныс пернапас чōвтїсны. Быдсōн рочōн сѓрнитōны, весиг ѓти коми кыв оз петкōдлыны. Краснōйяс пиысь кыкōн сѓрнитōны; мед оз сорсыны да мед оз гōгōрвоны, мукōдыс чōла олōны.

Кōзьяиныс — зэв варов морт. Олō озыра. Аслас кучик вōчан завод эм. Уна мōс да вōв видзō. Ачыс пōчинокын олō. Опонъ Васькаōн шуōны.

Краснōйяс пырисны да пыригкостїыс и юасьны пондїсны:

— Уна-ѓ танї тїян краснōйяс эмōсь?

— Тї нō белōйяс лоанныд?..

— Да, ми белōйяс...

— Сѓ шайтъясōй!.. Мыйкō нин этша виччысим...

Сандра, вай пыр пōсь ватō пукты... Ой, сьōкыд и мяянлы вōлі овны!.. Краснōй праваыд — омōль права.

— О, ѓні ми краснōйясыдлысь став кок туйсō чышкам, став дуксō весалам!

Зэв кузь сѓрни мōдїс. Ёна варовитїсны. Кучик вōчысь дядьō зэв ёна краснōй вылō норасьō. Став важ бур олōмсō гаравлас. Краснōй праватō быд ногыс сакас.

Войтыр пукалōны да шензьōны. Кодсюрō дядьō сѓрни вылō ёна зэв скōрмōны, кодсюрō прōстō шпыннїлō-

ны. Сёрнитысьяс пөръясьны мастерось, кывтö шуасны да, тэныд быттьö и эм. Нинём он вермы гөгөрвоны, збыльысьöдз быттьö белöйяс, ентö гараласны и, быдөн.

Ыджыд самöварён чай пуöдiсны, ведра джын лөдöс босьтiсны да сэсся чай юны пуксисны. Пызан вылö зэв унатор ваялiсны. Вит-ö-квайт десятка кольк пуöмаось, кринча йöв, бекар нök, черинянь, прöстö нянь, шаньгаяс, кос яй — быдторсö вайисны.

Войтыр пöттöдзыс сёйисны. Чайтö ставсö юисны, лөдöссö и быдөн. Юисны-сёйисны да, сэсся колльöдны тшöктöны, уна деньга кöсйöны сетны. Опонь Васька колльöдны кöмасис-пасьтасис. Вөрöдыс да ва кузьтаыс веськыда Пуштöсöдз нуис. Пуштöсын век на краснöйяс эмось, öстаткиясыс нин вöвьяс корсьöны да Визинö кöсйöны мунны.

Опонь Васька нинём оз вермы гөгөрвоны. Колльöданторьяс уна деньга сетiсны да быдсөн радкодь лои. Некод нинём эз висьтав. Белöйяс пыдди и колльöдiс. Пуштöсса краснöйясöс прöстöй йöзөн чайтiс, эз и гөгөрволы. Бергöдчис да зэв долыда гортö локтiс. Сиктса йöзлы аскинас ёна и ошйысис. Со пö öд белöйясыд кутшöм бурось, мында деньга пö сетiсны, дай кутшöм бура пö сёрнитöны.

XVII

— Ёртъяс, тырмас пышйыны. Вай сувтламö, — краснöй пиысь шуö öти ёрт.

— Но, мый нö даснад вермам вöчны. Кыясны сöмын, — шуöны мукöд.

— Немтор оз ло. Танi зэв векни туйыс. Бокö кежны оз лысьтны. Уна йöзыс öд налөн абу жö... Миян ставнымлөн пищаль эм, дай патроньяс эмось. Да öд неуна-тö и мудералыштны на позьö. Ас пиысь вай нель рота вöчамö да, кор белöйясыд пондасны локны, — ставөн пондам командуйтны, да гораджыка, мед став белöйыс

кылас. Этайо чой йывсяныс зэв лосьыд лыйсьыны. Налы чой паныд колө кайны. Дзик оз лысьтны!.. Вермыны кө пондасны, таті веськыда вөрөдыс пышъям дай.

Войтыр думыштчисны. Мортлөн сёрни зэв кажитчис. Варовитісны-варовитісны да Чукаиб чойо и сувтісны. Ас писысыс быдсөн командирьясөс бөрйисны. Кодөс батальоннойо, кодөс ротнойо, кодөс взводнойо — быдөнлы «чин» пукталісны. Прөстө салдат пыдди некод эз коль. Весиг отделениеса командирьяс эз лоны.

Чукаиб дорө кыкөн картупель гуө дзэбсисны да сэтысянь кыйөдоны, гөгөрбок видзөдоны. Мукөд гөра йылас поздысисны, сэсянь кыйөдоны. Йөзкөд кинас сёрнитөны.

Визинын зэв нин дыр звөнитөны. Чукаибын шы ни төв олоны. Войтыр ланьтөмаөсь да виччысьоны белөйяслысь локтөм. Войтыр юрнысө чургөдісны да ёна видзөдісны. Вөлаяс век матыстчөны да матыстчөны, вөв вылын мортьяс нин төдчөны.

— Найо... — ышловзьөмөн шуис өти ёрт да чорыджыка винтовкасө кабыртіс.

— Энө на өні лыйлө. Мед Чукаибас мунасны да гусяньыс войтыр вемыштасны-лыясны, — шуө батальонной командир. Шуис да дзэбсьөм йөзлы знакьяс сеталө. Гусянь воча знак петкөдлөны.

Белөйяслөн вөвьяс гырысьөсь, сөмын гонзьөдоны-мунөны. Гөра йылө кайисны да сувтыштлісны. Дыр сиктьясө видзөдісны, сэсся водзө мөдісны рөдтыны. Гөрайывса войтырөс эз и казьявлыны.

Гуын пукалысь войтырлөн сьөлөмыс ёпкө. Тэрыба ружьяс зарадитісны да бурджыка лөсьөдчөны. Быд розьті чургөдласны.

— Вөлыслы эн лый... Мортьясө колө чинтыны, — шуө өти ёрт мөдлы.

Вөлаяс нинөм оз чайтны, юр лэптөмаөсь да пыр водзө рөдтөны. Друг лыйөм шы кыліс, сэсся мөд. Белөйяс повзисны. Тэрыба вөвьясөс бөр бергөдісны да навыскок

пызйоны. Гора йывсянь паныд пондісны лыйлыны. Белойяс бокө уськөдчисны да вөрөд пышйисны. Войтыр кык-ө-куимысь ещө на лыйисны, сэсся дугдісны.

Белойяслы некодлы кувтөдз эз ло. Отилөн тай сойыс ранитчөма, сэсся нинөм абу лоөмаось. Визинө локтісны да начальникъяслы и висystalоны. Начальник скөрмискодь, став салдатсө тшөктө тышкасьны мунны.

Войтыр гора йылысь век некытчө оз мун. Гөгөрбок видзөдоны. Смекайтөны, оз-ө бара мыччөдчыны.

Белойяс, морт ветымын, паськөдчисны да чептөн пондісны гора дорө локны. Ёна нин матынось, войтыр век на оз лыйлыны. Дзик матыстчисны да краснойлөн батальонной командир гораа пондіс командуйтны, паськөдчыны тшөктө. Ротнойяс да взводнойяс тэрыба пондісны командуйтигырйи паськөдчыны, сэсся шочиника лыйлыны.

Белойяслы став командаыс кылө. Батальоннойдылысь приказтө кыласны да, быдсөн сьөлөмыс вөрзылас. Водісны муө, водөмөн мый вермөны лыйлөны.

— Третья рота, на перебежку-у...— друг ёна чорыда горөдіс батальонной командир да өти белой офицерлы гогнышти-луйис. Белойяс повзисныкодь. Офицерыд омөлика ранитчышти да бөрө бөрынтьчис. Белой салдатъяс повзисны жө да тшөтш пондісны бөрынтьчыны. Краснойлөн командиръяс зэв удалось, ставныс мый эбөсыс горзөны-командуйтөны да зэв тэрыба лыйлөны, пуляяс сөмын шутьялөны. Сэсся друг мый эбөссыс ура горөдісны да лыйсьөм сорнад ыджыд шум вөчисны. Белойяс дзик садьтөг повзисны, өдийө бөр пышйисны, Визинө мунісны.

Войтыр ёна и радласны, сераласны.

— Аттө дивө, вермим-өд кутнытө!..

— Оні сэсся оз нин лысьтны чургөдчыны. Регыд миянлы отсөг локтас. Унджык крестьянаыс миян дор. Став уджалысь йөзыс миян дор. Тырмас нин бөрынтьчыны.

СЁ СИКАС

Барук талун печканён коралё, гостьясёс чукёртё. Куим лун чөж нин лосьёдчө, быдлаті пелькөдө, быдсөн ваа рузумён чышкалө. Асывнас водз чеччас дай челядсө тшөтш водз кыпөдө. Тавой эз и прамөя узьлы, муртса тай регыдик кежлө водыштлис, пыр и бөр чеччис. Анна нывсө тшөтш садьмөдіс, тшөтш тшөктө отсасьны. Ичөт Сашёс печканаясёс коравны ыстө. Мичаа мыссьөдіс. Көмөдіс, пасьтөдіс да и шуө:

— Мун да өдйөн ветлы. Ставсө корав, мед ставыс печканён локтасны. Мам пө эськөн нинөм абу лосьөдөма, да сідз көть мед прөста пукавны воласны. Öдä сяттясад пырав да Сандрасө тшөтш кор. Сэсся Öньö Ка-тьöө пырав, Иван Öдьöө, Тикөн Сөпьяө, Епрось тьоткаад, Микаль Сандраө, Пөлька Марьяө, Созон Степаө, Öреп Домöө, Öрин тьоткаад... Марка дядьясад дай пырав. Ставсө корав, мед ставныс локтасны. Көдлөн печканыс абу — мед кысянсө босьтасны... Да өдйө ветлы.

Сашё радпырысь и муніс. Ичөт мортыд да ёна пасьтасьөмнад — дзик тупыль кодь кажитчө. Быд керкаын Сашёс сёрнитөдөны, малалөны. Гөститны корөмтө быдөн радейтөны, сы понда ичөт Сашё быдөнлы муса кажитчө: и бобукнад, и сөшайтнад, и сөкөлнад, и быд ногыс ещө нимтасны.

Сашё быд керкаын пырөм мысьт өти пөлөс сёрни лэптө. Муө копыртчас, юрсө өшас да тэрыба шуалө:

— Мамө тіянөс талун печканнад корис... Нинөм эськө абу лосьөдөма, да мед пө тай прөста пукавны көть воласны...

— Но-о, печканён! Бур делө. Пуксьы но да шойччы...

— Эг на өд мудз. Мамө өдйөн тшөктіс ветлыны да ог эшты. Ставныд локтө, мамө ставнытө тшөктіс корны. Печканыд кө абу — кысянтө босьтө...

Сашё өдйө и котрالیс. Быдлаө пыраліс. Гортас лок-

тіс да, мамыс выль пөв на тшөктө ветлыны матігөгөрсә суседьясөс коравны.

— Сашө, бур ныв, вай Степан Сандрө ордад ещө ветлы, дай Ярө Катяад пырав. Палө Натальтө тшөтш чукөст. Сэсся ещө Марья вежаньтө дай кор, Пекла тьөт-катө, Ичинь Öгрөтө, Митрей Öгаштө, Сандыр Тоньөтө... Но сэсся мукөд ордас бөрыннас бара ветлан.

Сашө муртса шонтысьыштіс да бара и котөртіс.

Анна мый вермө мамлы отсасьө: ватө пыртө, шомөс вөчө, сөчөн быгьялө, шаньга разөдө, картофель кульө. Ставсө колө тэрыба вөчны, мед эськө быдлаө судзсян, да өд мед быдтор вөлі вөчөма бура да мичаа.

Варуклөн ещө быдсяма сикас няньтө пөжалісны! И ид сора тупөсьтө, и шобді сора тупөсьтө, и еджыд көрөвайтө, прөстө көрөвайтө, и көвдумтө, и пирөгтө, и рыська шаньгатө, и өтруба шаньгатө, и шыдөса шаньгатө, и картофеля шаньгатө, и нөкъя шаньгатө и анкытша пирөгтө, и шыдөса пирөгтө, уна сикас көлач кодьяс, тшап преникъяс, вый сукусь да нөкйысь гудралөм ляпаяс да уна сикас сөчөнъяс.

Муртса на пөжассис, бара нин мөдісны пусьыны лөсьөдчыны, дзик пач тырыс чугун да гырнич сюялісны. Унатор на эз төр да орчча керкаса пачө петкөдісны.

Ичөт Сашлөн важөн нин ветлыссис. Гортө локтіс да тшөтш отсасьө, чышкө да мыськө.

Коркө лунланьыс пөжассис-керсис, пелькөдчысис дай гөстьяс мөдісны локтавны, коді печканөн, коді кысянөн, быдсөн уджөн локтөны. Пырасны да ыджыда пернапас чөвтасны, сэсся быдөнлы копыртчасны да гөснеч чургөдігмызыс варовитны мөдасны.

— Уф, дзик мудзтөдз лои локтөма... Ещө кысси...

— Лок но, лок... Нинөм эськө эг лөсьөдө да, сідзи көть, прөстө пукалыштө, сөмын йөзсө мучитөм эськө лоө да. Весиг сөйны нинөм эг лөсьөд... О-ей, мыйла нө тамда няньсө вайин? Öд кутшөмакө пөжаси жө... Вай но пөрчысь да мудз вылад румка вина көть видлышт,— бы-

дөнлы Варук шуалё меліа. Пөрччодас да винаён юктёдө.

Гөстьяс дзик нин керка тырыс локталісны, ставыс мича сарапанаось. Лабич гөгөрыс быдсөн йөз дай улөсьяс вылө пуксялөмаось. Епрось тыткаө нарошиө скамьяла лои ветлыны да пызан дорө содтөд вөчны.

Варук мый вермө өтторья юктасьө. Быдсяма сикас вина лөсьөдөма. Первой прөстө винаён юкталіс, сэсся сакараён, сэсся чөдьяён, сэсся сэтөраён, льөмьяён, озьяён, өмидзаён, сьөлаозьяён, кампетаён, монпансьеаён. Мукөд бабаяс румкатө босьтасны, вом дорас вайласны да ещө шензясны:

— Аттө, чөскыд жө тэнад, Варук, вина! Этамда сикас да ставыс чөскыдысь-чөскыдджыкөсь.

— Чөв, ныленькой, дажө нинөм эг вермы лөсьөдны. Мыйкө сідз көть прөста пукалыштө да мыйда. Но, вай но ювышт, да пыдөсөдзыс и ю.

Бабаяс ичөтикаён, чипан моз, ещө чурскөдасны. Чурснитасны да юрнас лётнитасны, чурснитасны да лётнитасны, сэсся пыдөсөдзыс швичнитасны да румкатө юр вылас кымыньён толькө катшкыласны.

— Со өд, юн эг?! Небось тай, румкаыд косаммис на,— быд румка юөм бөрын бабаяс ошйысьёны.

Бабаяс ёна нин гажмөмны, вывті варовөсь. Ыджыд туй вылөдз шумыс кылө. Мукөд мужикьяслөн эськө голяыс гилялө жө да, сөмын тай некод оз лысыт ветлынысө-а. Ёгора важөн нин кильчө вывсянь чурьялө, көсйылас нин мунны, мөдөдчылас нин, да бөр бергөдчас. Кымыныськө мурөстлас жө!

Полька Марья чөрссө печканө сатшкис да сывны горөдіс: «Ой дай гөгыль кө гөгыль...» Бабаяс сьылөмтө зэв радейтөны. Сьылөны гораа, лайкйөдлөны кузяа. Гөлөсьяс бурөсь, Ёгора сьылөмтө кывліс да некыз асьсө кутны оз вермы, сідзи и котөртө. Керкаас пырис да ичөтик могтор помка пыдди пуктіс.

— О-о, Ёгора локтöма!— горöдiсны друг бабаяс.— Вайö морлысь гачö косялö... лэдзамöй...

Бабаяслы унаысь гаралöм оз ков. Муртса кывлiсны «гач косялöм!»— ставныс сералiгтырйи уськöдчисны Ёгора вылö.

Ёгора шöйö-пöйö воши. Первой сöмын вöли шпыння-лö, «оз жö пö öд збыльысь косявны»— вöли мöвпалö. Бабаясыд уськöдчисны да, неуна повзискодь. Мый вермö эськö водзсасьö жö, сöмын уна йöзыдкöд нем керсьыны оз вермы. Бабаяс джоджас водтöдiсны да мудзтöдзыс песiсны, зэв дыр тешитчисны, сэсся бөрья пом жальныс босьтiс да лэдзисны.

— Варук, чöрту — вай сет öтик чашка вина...

— Татшöма гажöдчöм вöсна позьö нин юктавны,— шуöны бабаяс.

Варук кык чашка вина Ёгорлы сетiс дай румкаөн юктыштiс. Мукöд бабаяс ассьыс румка пыдöссö быдсөн Ёгоралы чурснитны сетöны. Ёгоралы вель лöсьыд лои, весиг серамыс петö. Кöсйис нин эськö йöктыштны да ку-тшöмкö баба бара на гач йывсьыд казьтыштiс. Ёгора öдйöнджык ывлаö уськöдчис. Туй вывтi мунö да быдсөн довьялö, шатлалö. Ачыс зэв рад, сералiгтырйи вомгор-улас шуö: «Татшöма мучитöмнад кö мынан, быд лун кöть ветлы... А спесьöсь бабаясыд!..»

Бабаяслөн гаж век содö да содö. Öдя сваттяös пöд-тыны пондылiсны. Джоджö водтöдiсны да ной чышьянөн вевттисны. Варуклы куим сулея винаөн лои мездыны, чöдья вина сетiс.

Öдялы быть лои вина сулеятö босьтны да юктышт-ны. Гудök пыдди бабаяс вомнас ворсыштiсны:

«Да дөрöманöй дженьыд,
да кушаканöй паськыд...»

Öдя йöктыштiс да сэсся кока румкаөн юктасьны мöдiс. Бабаяс чурсйöдласны-чурсйöдласны да пыдöсöдзыс и шпычнитасны, а румкасö век юрö камгöны.



Сбылісны-йоктісны да сэсся Варук сёйны пондіс корсьны. Пызан сайо пуксисны, ставныс тородчисны. Ой-ой, дзескыда жо суйсисны! Весиг ем коластаныс оз тюр.

— Вайо но сёйыштө, сёйыштө... Нинөм эг лосьод да и вердныс эськө нинөмөн да... Но од няньсө да мыйда сёйө дай... Одя сваття, вай чериняньсө косяв но...

Варук медводз кельчи черинянь вайис, сэсся сирысь пөжалөм черинянь, сэсся сола черинянь. Чери бөрын ыджыд тасьтён порсь яя шыд вайис, тасьтиас куимысь содтыліс. Сэсся свежөй кукань шыд вайис. Кукань шыд бара на содтыліс, сэсся нөкйөн жаритөм картошка, сэсся порсь гөсөн жаритөм. Картошка бөрын жаритөм яй вайис, сэсся жаритөм чери вайис, сэсся шыдөса рок, картуеля рок, гөса рок, отруба рок, зөр шыдөса рок, гречуга рок, роч анькытш, прөстөй анькытш, йөла рок, проса рок, риса рок, яйөснича, вый сука дрөчөна, шобді

пыза нокья дрочона, юм-ляз, льомья ляз, чодья ляз, сэтора ляз. Ляз бoryн сэсса кисель пондис ваявны, медводз картофеля кисель вайис, чод сора кисель, чужваа кисель, нокья кисель, сола кисель, простой кисель. Сэсса чодья чужва вайис, котодом паренча, пожом йов, пувья йов, чодья йов, нокья рысь. Сейигчожыс сэсса Варук сурон юктало: тагья сурон, проста сурон, ыршон.

Бабаяс сейоны ньожйо, оз зев ена термасыны. Сейнто ваясны да, сомын морт отиысон паньштны и сюрло. Уна мортыдлы ыджыд тастийон коло вайны, а сикасыясто зев этшаон вайоны. Лязьясто зев ичот блюдийон вайыштасны, бабаяс морт отиысон няньон чуньыштасны дай косаммас.

Уна сикас няньнад, уна сикас сеяннад да уна сикас юаннад бабаяслон рушкуясыс быдсон джаджьялысны, польдчисны, нобасыоны быттьо.

— Аттө тэнад, Варук, сеян лосьодома! Сикас выло сикас. Поткодны ко тэ йозсо косийомыд-а...— шуоны мукд бабаяс.

— Чов, нином од эг прамоя лосьод. Мед но мыйко, няньсо да мый да коть сейинныд. Мед нурьясыштинныд,— шуо Варук быд сёрни бoryн. Сикас ваяс да, бара тайос жо шуас.

...Пажнайтигон бара жо сымда сикас сеян да юан ваялис. Бабаяс сейомсыд оз зев петитчыны, мый ваясны, сийо и паньштоны, ставныс мыйыскө да номсалоны, рушку джаджьясыомысь некод оз пов.

Рытьядорын гостьяс сэсса гортлань модисны довгыны. Варук быд бабалы госнеч сето. Быд сикас няньто пуктас, мездор тыр тэчас. Мукд бабаяс быттьо оз косийыны босьтны, петитчоны:

— Чов, нылө, мун сэтысь. Этамда ог жо босьт. Од талун на жо гортын пожаси.

— Кысь на ещо он босьт...

— Но, господио, Марья! Мыйла но пуктан?..

— Босьт. Челядыдлы нуан да, кутшом радось лоб-

ны... Мун сэтысь, бара, эн чиганитчы, медся мортыс!.. Босьт шуоны.

Бабаяс ышнясясны-ышнясясны да, сэся бөрвылас босьтасны жö.

— Пасибö, пасибö, Варук... Сё пасибö Сашöлы и, Анналы и... Ыджыд сё пасибö.

— Нинöм выlö пасибöыс. Аслыныд пасибö, ещö тай со эн омöльтö да волінныд. Сэся эн дивитö дай. Водз-лань волö. Тайö эськö дзик прöстö лон коравлöма да, нинöм весиг прамöя сёйны эг лöсьöдлы...

ЧЕТВЕРТЬ ВИНА

Васьö уджалö ёна. Некутшöм мудзöм оз тöдлы. Ёртъ-ясыс шулывласны:

— Васьö, кöть öти здук шойччышт, эбöсыд тадзнад бырö.

Васьö сöмын юрсö кыпöдлас да гораа серöктас, быттьö чорыд гым сяркнитчас.

— К-с... Удж пондаыд бара эбöсыд оз быр! Со, видзöдлöй, мыйыжда менам выныс.

Ыджыд жö эськö и вын. Пуад сötас да ыджыд лекан и чуктас. Шпалтö лöсйыны босьтчас да, быттьö ворсö, чача моз и вöдитчö чернас. Ачыс кодкöдкö аддзысяс да век шуасьö:

— Удж пондаыд некор он омöльтчы. Дышыд миянöс сёйö. Дыш пондаыд ми омöльтчам. Со, менам сойын мыйта выныс! Сөнъясöй быттьö пружина. Ставыс тайö удж понда. Кымын ёна уджалан, сымын ёна крепалан.

Васьö ичöтысянь нин уджтö радейтлис. Дас арöс на эз вöв, а батыс век ас бөрсяыс новлöдлис, век ыджыд мортöс моз уджöдис.

А дзескöдöмön — нинöмысь эз дзескöдлы. Мый Васьö

корас, сійос нин и сылы сетө; мый Васьö тшöктас, сійöс нин и вöчö. Праздник дырйи ачыс керкаысь керкаö вет-лөдлө, вина куралö-öктö дай Васьöös тшöтш новлөдлө. Коддзытöдзыс тшöтш юкталас. А коддзасны да, йöз вылө ньöтчыд оз воны, косьö оз пырны.

— Косяд, пиö, некутшöм гаж абу, ныр-вомтö сöмын разясны... Ньöтчыд тэ, Васьö, эн косясь. Сьыв да йöкты — сыысь бурьыс нинöм абу. Сэки ставыслы гажа: тэд гажа, дай йöзыслы гажа,— шуö Васьöлы батысь.

Сидзи и Васьö быдмис. Öрлы кодь мужик лон, дзык ош сяма. Ошкысь на видзöднысö лөкджык. Мышкыс паськыд, пельпомъяс крепыд, сöмын кукань кодь рам. Сёрнитны кутас да быттьö улльöлөн мавтö, нюмдыштас да, блин быттьö пöжасьö, сидзи и небыд пöсьөн руасьö, сьöлөмöдзыд и пырас. Бур вылад — ставыслы бур, сöмын эн скöрмөд. А скöрмөдан кө, сэки виччысь жö: орöдмөн и орöдас. Нинöмтор оз кут, ставсö пассяс, став эбөссö лэдзлас, сьöлөм бурмытöдзыс пессяс. Скöрмас кө, бурджык эн нин шыась. Чöла ов да мый тшöктас сöмын нин вöч. Став эбöстö пукты, а вöч. Он кө öд вермы, ачыс жö сэся бөртинас отсалас, сöмын шу:

— Отсышт, Васьö, вынöй менам оз судзсьы,— Васьöлөн сьöлөмыс пыр и небзяс. Нöшта на кыв-мөд вомгор-улас дурснитас, сэся небыдöдз раммас. Став уджесö ачыс путкылялас.

Мукодыс Васьöлы ёна зэв завидьтöны. Унаөн орд-йöдчывны заводитласны.

— Нолтö, Вась, мекöд ордысьям. Ме öни выль чер босьтi, зэв лэчыд... Регыд на и ордыя,— öтчыд шыасьö Пантиль.

Васьö сöмын серöктлис.

— Давай... Мый нö ордыян кө? Тэ и мортыс лоан...

Босьтчисны лөсийсыны. Пантиль мый эбөссьыс сизьдысьö. Тюргөмөн визувтö пöсьыс. Юрсö весиг оз лэптив, öтторйö сöтыштö да сöтыштö. Дөрөмсö көть пыдырт, ставыс көтасьöма. Куим шпал лөсийс, дай эбөсыс мор-

тыдлөн быри. Ачыс өд радкодъ лои. «Со өд кутшөм ре-
гыдөн куим шпалтө лөсышти»,— мөвпалө. Юрсө лэптис
да Василь вылө видзөдліс. Синмыс чашкаломөн чаш-
калі. Оз эскы, каститчөмөн чайтө, ки пыдөснас синсө ті-
льыштис и быдөн.

— Эстшөм, трустө, збыль кө-а!?

Збыль өд и эм. Видзөдө Васьө вылө, а сійө квайтөд
шпал нин эштөдө. Пантиль гусьөник матыстчис да ви-
дзөдө. Васьөлөн черыс сөмын ворсөдчө, уна сикас шы-
ясөн троньгө, көть йөкты. Ачыс торъя абу и выныштчө-
ма: вомсө ичөтика пөлынтьыштөма, шыньгөдчыштөма
да быттө нюмъялө.

Пантиль дыр видзөдіс. Сьөлөмсьыс видзөдө да шен-
зьө. Любө весиг кажитчө. Сьөлөмыс радлө. Шпал лөсь-
ян помаліс да вөлісь сэсся шыасис.

— Сувт көть да лунтыр тадзи видзөд. Ёна жө лөсьы-
да тэ лөсийсян. Сьөлөмыд тшөтш вөрө.

— Видзөднытө бара быд морт вермас. Тэ босьтчы да
ме моз жө уджав, сэки и морт лоан...

— Дерт... Визин ю мында киссис нин менам пө-
сьөй-а, куим шпал на и лөсийи. Со и вөтчы тэ бөрся. Тэ-
над квайт, а менам куим...

Татшөм Васьөлөн выныс да уджаланногыс.

Быдөн эськө бур да сөмын өтитор ёна дзугө. Көсийы-
лас нин эськө дугөдчыны. Некор нин оз көсийыв юны да,
кысь нө со верман терпитны. Син водзад сэн быльвидзө
да юлөм мортыд кысь видзчысьны верман. Он нин көс-
йы да ачыс и мырдөн кыскас.

Васьөлы шпал вөчөмысь сьөм локтө уна. Ёна зіля
уджалөмнад уна и нажөтка вайлө. Удж эштөм бөрын
гортас локтис. Праздник лунө вөв доддяліс да вөлөстьө
сьөм босьтны шуис ветлыны. Бабаыс ещө нин и кай-
таліс:

— Васьө, эн нин көть юсьы. Эн жө көть воштысь.
Вай либө менө тшөтш босьтлы да өтлаын лэччылам.

— Чөв нин тэ!.. Йөз серам улас али мый лэччан. Ог

жө өд юсы... Кытчө нө вошта? Вєськыд юрнад өд ог жө вошты. Ме регыдөн и локта...

— Төннад тай эн жө көсйи юны да, дзонь вежон вет-лөдлн-а. Бара на өд юсян. Босьт менө да, гашкө, ме көть кута.

— Дугды, мися, эн лөвт. Дегдыныс али мый ме тэнө босьта. Аддзан ывлаыс кутшөм көдзыд. Меным со весиг мөрччымөнъя кылө-а, тэнө өти здукөн турдөдас.

Ывлаыс эськө көдзыд и вөлі. Шөштакьяс толькө и гримөдчөны. Туй эжыс дзуртө. Ывласа сынөдыс горшад сатшө, пөдтө быттө.

Васьө доддясис-керис, пеля шапкаасис, шоньд кепысясис да ывлаө петіс. Ывлаын вороныс ставнас гыбртө-ма, еждөма быдөн.

— Но, ворон, айда!..

— Деньгатө босьтан да пыдөджык дзеб. Рузумөн гартышт да сапөгад и сюй. Пырысь-пыр жө и дзеб.— Бөрсяныс велөдө гөтырыс.

— Төдам, дзебтөг өд ог ов...

Ворон өдөбтіс водзө. Водзджык котөртіс рөдтөмөн, а керка пельөссяныс шаркнитіс-бергөдчис да мөдөдчис скачөн.

Васьлөн гөтырыс дыр на видзөдіс. Некөн нин вөлыс оз тыдав, важөн нин саяліс, а век на видзөдө. Кынмытөдзыс видзөдіс. Мөвпалө ачыс: «Оз вермы терпитны, бара на юсяс».

Васьө вөлөстяд регыдөн и воис. Ён, чож вөвнад регыд и тырмис. Воронөс ёна вөтлөм оз ков. Отчыд кө горбгылан да плетьнад өвтыштан, скачөн и нуас.

Райконтораын тырыс йөз. Быдөн сьом босьтны локтөмаөсь. Щөтайтчысьяс щөтки молльөн сөмын гольскөны. Васьө гөгөрбок видзөдліс да тшөтш сувтіс. Дыр сулаліс. Керкаыс йөз лолалөмнас пөсьөдз шоналөма да кынмөм морттө регыд и шонтіс. Қоркө сөсся пызан дорө матысмис да книжка чургөдө.

Щөтайтчысь босьтіс да шемөсмөмөн Васьө вылө ви-

дзөдө. Сэсса ньөжйөнник калькаломөн вомыс век паськалі да паськалі. Дыр видзөдіс, сэсса серамыс петіс, юмола зэв шпыньмуніс.

— Тайө нө ставсө ачуд вөчин?.. Отнадөн али артельөн?..

— Тэнө тай артельсыс эг адзыв-а... Пилитчыныс тай прий отсасис.

Витсё шайт саяс кайис. Васьлөн весиг аслас серамыс петіс. Небыда, шоныда нюмъялө. Ставсө сетісны. Ставыс выль мича бумага деньга. Ошинь дорө локтіс да рузумөн көсйө гартны. Биваысь кыскис да мичаа веськөдлө, мед нин ньөти чукур ни пакур эз вөв, думсыс унатор көсйө ньөбны: ситеч да матерье додь тырыс көсйө катөдны. Челядьөс и гөтырөс, ставсө көсйө пасьтөдны, мичаа вөччөдны. Аслыс вомгорулас гусьоник шпынъялө. Кыдзкө друг юрыс кыптис да ывлаө видзөдыштис. Со, дивөйд! Мый нө тайө, каститчө али мый?..

— Абу жө өд көнкө, мун, дугды.— Васьө кинас өвтчө да мөдарө көсйө видзөдны, сөмын юрыс бара и сыланьө чукультчас.

— Збыль, тыдалө, сійө и эм. Со, өтторйө суляя йөз петөны. Збыльысь тай «казёнкайд» талун восьса. Мыйла нө талун восьтөмаөсь?— Шензьө Васьө.

Со нө мукөдыслөн зепьяссыс гөрд юрьяс мыччөдчөны, дай киас кутөны. Мукөдыс дзонь четвертнас мездораныс босьтөмаөсь да петкөдөны. Со өти ки пыдөснас шков кучкис да пробкаыс сөмын лэбыштис. Кымыньтис суляясө вомас да дугдывтөг и помаліс. Водзджык сідз бытьө прамөй морт вөлі, а өні и кияснас нин өвтчыны пондіс. Кодкөдкө кө сёрнитны кутас, кыс тшөтш сёрнитө. Мунны мөдіс, дай кокыс тшөтш чукультчөма, ылө-ылө шатовтчылас.

Васьлөн кыс пондіс тіравны. Отторйө көсйө гартыштны, а некыз оз слөймы. Мичаөдз нин гартыштлас, көсйылас нин биваө сүйны да бара и разьяс. Төдлытөг и разьяс. Разяс да шарөдчыштас, бытьө лыддыштас,

сэсса бара гартыштас. Кызисюрө перыда гартыштіс да бивао суйис, сэсса өдйөнджык ывлао петіс.

— Ог, ог ю... Оз позь.

Сөмын на воронлы домас кутчысис, контораысь Митьө Педөр петө.

— Васьө другыс нө гортө нин мөдөдчө? Дивө тай... Эг ме тэнө татшөмөн чайтлы... Скупмөмыд жө тэ... Босьтан жө өд неуна татшөм нажетка бөрад...

Васьөлөн синъясыс сувтісны. Эз и төдлы, кызди домыс мыні. Киас тай кутө дас шайта деньга да сідзи и төвзьө, быттьө турөб лавкаө пырис.

Лавкаын регыд и оліс, быттьө пробка сэтысь чечыштіс, а киас аслас четвертя сулея. Четверть помсө вомас суйис да сөмын бульөдны пондіс. Коксө тажйөдөма, морөссө паськөдөма да сөмын гулькйөдлө.

Йөзыс ставныс шемөс сувтісны. Вомнысө паськөдөмаөсь да сідзи и видзөдөны. Васьө, гашкө, четверть джынсө юис. Дугдывтөг, шойччытөг ыджыд гулькйөн и ныылаліс. Сэсса сулея помсө нетшыштіс да чорыда вукөстіс.

— Э-э, вот тайө да!..

Плешъяс пондісны гөрдөдны, чужөмыс небзыны.

— Педөр друг, локыв татчө... На да ю, курав тайө пыдөссө, дай прөст.

Ылісянь, туй сайсяныс на горзө. Четверть сулеясө чургөдөма водзө да сідзи и нуө. Ворон дорө локтіс да доддьө пуксис. Эз өд и пезьдыштлы, немтор быттьө эз и юлы, весиг өти воськолөн эз шатовт.

— Со, колөкө, тайө и морт,— шензьөны йөзыс.— Кызди гогныштіс.

Педөр эськө босьтліс жө да, эз и вермы помавны. Гашкө, сулея кымын юис, сэсса дугдіс.

— Э-э, омоль на тай тэ юысыд,— серөктіс сэки Васьө.

Бөрас Васьө босьтіс да, өти здукөн помаліс, весиг

оти войт четвертяс эз коль. Сэссия босьтіс да тыртём дозсö ылö бокö шыбитіс.

Васьö вöв доддьö пуксис да чорыда акöстіс. Ворон места вывсяньыс и öдöбтіс, места вывсяньыс и скачөн... Васьлысь шапкасö тöв пöльыштіс доддьö. Кöсийс эськö бөр лэптыны да сідзи и эновтіс. Этатшöм шоныдын нö мыйла гартчан. Тулуп шевгöдöма, дай пась кизьсö тшöтш мынтöдöма...

Збыльысь жö эськö и пöсялöма. Винаыд гырк пытш-кас пырöма да чорыда шонтö. Вой тöлыд дзик веськодь. Шöштакъяс кöть век ковöдчасны, Васьö оз и кывлы. Öтторійö сöмын гөрöктылö, а ворон лэббömön и лэбö.

Важөн нин сиктысь петісны, ёна нин ылö коли вöлö-стыыс. Туйыс мунö вөрті. Васьöөс дрöж пондіс босьтны, öтторійö сунасьö-вугралö. Öтчид вугыртіс да додь пыдö-сас и сутшкысис. Вöжжи помыс кызкö улас веськалі да зэв топыда зэлöдіс. Ворон чепöсийс бокö. Толаöдыс дыр на муніс, ылöдз на восьлаліс, сэссия веськаліс тшем тшökыд кустö дай гартчис. Бөрö ни водзö оз вермы мунны, а кöзяин нинöм оз шу. Сідзи и сувтіс да эновтчис. Дыр сулаліс, пемыдыс нин воö, а век некод нинöм оз кер. Кынöмыс нин сюмалö, а век оз турунавны ни нинöм. Пондіс гөрдлыны да вийсьыны.

Васьö сынисады узыö. Öти кырымас кутö вöжжи, а мөдарас плеть. Кырымъясыс кынмöмабсь еджыдöдз, да и чужöмыс тшöтш еджыд. Вöтасьö да аддзö, быттьökö гөгöрас зэв небыдик еджыдіник ру; быттьö кодкö зэв меліа еджыд эшкынөн шебрöдö.

* * *

Во чöж больничаян лои куйлыны. Дзонь во лои ле-читчыны. Ёна эськö рад вöлі кувны,— да эз тай кув. Ловійөн на лэдзисны. Ямскöй вöлөн гортас вайöдісны.

Гортсяньыс став семьяөн паныд уськөдчисны. Гöтырыс медводзвылас. Гöтырыс уськөдчыны кöсийс сьылі-

ас... Да друг сюръя моз кынмис местаас... Сывтырсö паськөдіс да сідзи и энотчис. Синъяссö сувтөдіс да арыша синмөн и видзөдө. Видзөдө да аддзö: Васьлөн кок пыддиыс тоинъяс, а кыыс быттьö шмака беды. Көс-йис эськө, тыдалö, мыйкө шуны, да нинөм эз артмы, кыв-йыс косьмөмөн косьмөма, весиг оз бертовтчы.

Гырысьджык челядь ылö сувтөмабсь да видзөдöны, матыстчыны быдөн полöны. Сöмын öти ичöt Виктор бать водзас кайöма да тевзö:

— Бать, а бать, көн нö тэ та дырасö ветлн?..

Васьлөн синваыс гольгö. Кывйыс оз артмав. Викторс көсйö кутыштлыны, дай кутнытö нинөмөн. А Виктор öтторйö теребитö:

— Батьö, кытчö нö чуньтö тэ воштн?.. Кытчö нö кырымтö дзебин?..

— Ой... Ди-дитюкөй... Че...четве... ви... ви-винаö...

«ШЕВА ЧУМАН»

Ыджыд дивö лои — Öпрöсьлы ыджыд шева чуман сюрöма. Кодкö, сё морö, карта пос улас суйöма. Нинөмөн абу и вевттьöма.

Чуманыс эськө абу на омоль, абу на ёна важ. Кодкö ещё бур сямöдысь вöчöма, дор гөгöрттыс мичаа кусня-лöма. Сідзсö эськө и мича, но шева чуманыд да ёна мисьтөм кажитчö. Весиг босьтнысö некод оз лысьт. Öпрöсь, рузумөн чабыртөмөн, карта пос увсьыс кыкис. Аслас юрсиыс щötь моз вöлі сувтөма — сэтшöма коньöрöй повзьöма.

Бабаяс шензыныс оз вермыны: код нö эськө чумансö пунктис? Коді еретничаыс?

— Би вылын колö сэтшöмсö сотны... Рельö колö лэптыны да пож кодьöдз лыйлыны, — шуасьöны бабаяс.

Өпрөсь инас оз вермы өшйыны. Быдөнлы няргө-но-
расьё.

— Нинөм өд, ныленькой, ме некодлы мыжсө эг вөч-
лы. Некодлы омөльтор эг мөвпавлы. Отчюд тай Агни-
лысь сарапансө дзевны көсйылі, сэсся дзик нинөм не-
кодлы эг вөчлы.

Бабаяс воласны Өпрөсь ордө да зэв полигтырйи чу-
ман вылө видзөдласны. Муртса синсө арыштласны, өдийө
өд бөр бергөдчасны да вөйпсыны босьтчасны. Мукөдыс
абу на и адзылөмаось чумансө, а кинтас кутшөма вись-
тасясны.

— Өд, ныленькой, дзик шердын пасьта чуманыс. Сэ-
тшөм мисьтөм да омөль!.. Дзик, вот, шева чуман кодь
и эм.

— Тэ, нылө Өпрөсь, зэв пыдө муө гуав да мед сэні
тайө чуманыс сисьмас. Еретничаыслөн мед чуманыс моз
жө и сьөлөмыс сисьмас,— шуө өти баба.

— Чөв, нылө! Еретничаюд өд пыр и аддзас да бөр
перйыштас. Ещө өд омөльдзыктор сійө вөчас.

— Тэ, нылө Өпрөсь, лөк чер босьт да дзик адз ко-
дьөдз тшытш. Мед весиг өтик лестук оз коль. Сэсся
босьт да ставсө кымльөскивив шыблав,— ылөдз брыз-
йөдлы...

— Сотан кө, Өпрөсь, медся на бур лоө.. Век көть өд
керавлы, еретничаюд торпыригсө чукөртас да бара чу-
манө пөртас.. Сотан кө да вой төв йылын пөймсө төлө-
дан, сэки, колөкө, и мынан. Став тшыкөданторйыс сот-
час, став выныс тшын йылө каяс,— велөдөны бабаяс
Өпрөсьөс.

Өпрөсь төдчымөн омөльтчис. Өти здукөн чужөм вы-
лас вежсис; быдсөн бледөдіс, векняммис. Посни челядь-
сө быдсөн тшөтш шызьөдіс да места вылас пуксыны оз
лэдзлы. Керкасьыс став көлуйсө нин гурийсны. Өти пөв
гурйисны-гурйисны да, сэсся мөд пөв босьтчисны. Став
кламсө путкылялісны. Мыйкө эськө корсьны көсйоны,
да асьныс оз төдны, мый и колө. Мужикыс ягө муніс да

вежон чож нин ветлөдлө. Колөкө мөд сы дыра на ветлас.

Быдөнөс шызьөдісны, став мөссө и вөвсө котрөдлөны. Дзонь нөб тусяпу вайисны. Гөгөрбок тшынөдөны. Быд пельөсысь тшыкөдчан дук вөтлөны. Пачсө кыкысь лөдсалісны, да кельыд жар вылас чумантө и брызънитісны-шыбитісны. Сюмөдыд да сөмын дзажакылө сотчө. Лючки өд и сотчө. Öпрөсь вөлі полө, вот пө шеваыс дөзмас да пачтө жугөдас, а нинөм, эз жугөд. Некутшөм дивө эз ло ни. Дзик ставнас прамөй ногөн сотчис. Весиг өти өгыр чир эз чечышт.

Öпрөсь тьөтка кыкысь нин картасө вольсаліс. Коймөд пөв на көсйө вольсавны. Выль идзас вайөма да гиднясө и картасө көсйө вольсавны. Гөгөр көсйө мичмөдны, едждөдны.

Кашникө, кельыд өгыр вылө доналөм из пуктөмаөсь да тусяпу сотөны. Керкаас и картаас кыз тшын, быттө лөк лөз кымөр лайкъялө. Тшынасян кашниксө быд ыж улө и мөс улө суйласны, быдөнөс тшынөдөны. Ыжъяс шемөсмөмаөсь, повзьөмаөсь да сөмын нин ризъялөны-котралөны. Мөсьясыс букыштчөмаөсь да сідзи и чушьялөны. Нинөм, кутөмөн сорөн да мырдөн сорөн тшындасны.

Сөйөм ни юөм. Лунтыр сөйтөгыд да пыр жөдзигад Öпрөсьлөн став сөнъясыс нин личалісны. Öдва нин легө. Немтор вөчны оз путьмы, некытчө сьөлөмыс оз инась. Челядь гөбөч вылө йөршитчөмаөсь да сөмын нин мурөстыласны. Кыкөн кольмөмаөсь да восөны. Коймөдыс нюжгөдчөма-водөма да мый эбөсысь лөвтө. Керкаас тшын, жар.

Öпрөсь ойзө:

— Ойя жө да ойя! Ставным нин, тыдалө, пропадитам. Кутшөм грек нө мянөс татчө суис? Кутшөм омөлыслы нө шева чумансө мянлы колі вайны... Коньөръясөй дай бобөясөй, сөшайтъясөй дай сөкөльясөй, тиянлы нин со, тыдалө, тшөтш мөрччөма. Тиянлысь нин, ты-

дало, тшотш сьолөмнытө сөйө. Став мөстө и вөвтө, ты-дало, мянлысь тшыкөдас. Оз нин немтор коль. Дона-ясөй дай дитюкьясөй.

Челядыд нор сьолөмаоьсь. Мамыд кө бөрдө и налөн тшотш синваыд петө. Юръясыс кольмөмаоьсь да быттьө жыннянөн клөнгөны. Вөрзбөдны весиг оз вермыны, сэтшөм сьөкыд кажитчө.

Рытнас, медыджыдыс, Агни нима нылыс, локтис да войпукны көсйө мунны. Вөччис-керис да кытчөкө ывлао петис. Мамыс нинөмтор оз шу. Мый нин пө сэк кості висьталан, сөмын пө шогсыны пондас.

Агни петалис да регыд и бөр пырис. Пырис да мыйкө чорыдакодь көсйө шуны.

— Майбыр, он нин бара нинөмтор нуышт! Кытчө нө чумансө воштінныд?.. Öгрөлы гоз-мөд кольк көть көсья вөлі нуыштны. Пыр сы ордын нокеям, грекөвөйтчам да, абу нин и лөсьыд, яндзим нин сідзсө мунныс кажитчө. Төрыт нарoшнө нин чуман вайлі, мися, чуманнас и нуышта... Со и ну. Важөн абу вөвлөма. Небось тай аддзасны! Небось тай корсьыясны!..

СЬӨД ШОР

Сьөд шорын дзик тырыс гажтөм. Пемыдын мунны он лысьт, пыр и тэнө повзбөдасны. Шорыс эськө абу и ыджыд, да ог төд кыз сэтчө сымда гажтөмыс вермөма төрны. Сюраяс пө өд уна петаласны. Парань тьотка аслас синнас аддзылөма: дзик пө быттьө сьөд вөр петалисны.

Гажтөм жө эськө и эм... Ёнджыка кө полан, он и лысьт муннытө. Зэв кузь коз вөра да логйөдыс пемыд. Синмад көть чуткы, нинөмтор он аддзы. Гожея рытнад сэсея шор дортйыд көдзыд. Чой йывсянныд лэччан да

только ышнитодлас, съолөмөдзыд ыркнитлас. Съолөмыд кө вөрзяс, вот сэкитө сэссия и повзян. Торъя повзьёмыд, небось, оз нин и ков, ачыл и ёнджыкасө повзян.

Шорыс эськө абу и ыджыд. Ваыс визувтө этша. Гажтөмсө кө некод оз төд, эськө мича и быдөн, дзольгө только визувтө. Шондө югөрнас дзирдыштлас да быттьө эзысь вөнь кысьё. Ваыс йиакодь көдзыд да чөскыл. Төдтөм мортыд юас да ёна и чөсмася!

Сиктса йёз некод оз юны. Съод шорысь, весиг пань ва некод оз босьт. Быдөн шуёны: ваыс пө гудыр, курыд. Гажтөмьяс пө ставсө няйтчөдоны, йёзсө көсийоны кыйны. Юан кө пө сэссия гажтөмө и пөран, мутивөй моз жө пө чиклясьны пондан. Сюр да бөж пө быдмас и.

Быдсяма гажтөмыс жө өд, со, эм. Кутшөмкө мутивөйяс быдса сикас олысяс пөртчыласны. Мукөд рытнас номйө пөртчасны да съод кымөр быттьө кыпөдчас.

А шумсө мый ыджда лэптыласны! Только и ниртчөны, быттьө нора зэв уна гудөкъясөн ворсөны. Мукөд рытнас кодзувкотө пөртчасны, бордысясны да бордыя кодзувкотөн петаласны. Прөстө сук съод да гөрд борда кодзувкотьяс петасны. Синтө восьтыны весиг он вермы, жбыргөны пель водзад, быттьө мыйкө вашкөдны көсийны. Пөртчылөны и зверьясө. Мисьтөм чикыльө пөртчасны да мутитны и көсийны. Ырснитасны да садь быртөдзыд морттө повзьөдасны, өдөбтытөдз вөрзьөдасны.

Отчыл Митрей дядь тшак вөлі вотөма. Дзик кузов тырыс төбөма дай набурушкаас тшөтш сөвтөма. Рытгорувнас нин гортө локтө. Ачыс эськө зэв ёна полө, а тшак кузовнад Съод шортө зэв ылын кытшовтнытө. Дыр мөвпаліс, сэссия шор пырыд и мөдөдчис. Мунө ньөжйөникөн, восьлалө небыдика. Пельяс торгөдома. Синмыс асла сідзи и ломалө. Бөрө видзөдлыны оз нин и лысьт, медтыкө өдйөджык нин шорсө вуджны.

Кодыр өд тэрмасян да полан, ёнджыка и съолөмыд ыпьялө. Митрей дядьлөн юрсныс быттьө щөть сувтөма, шапкасө весиг лэптө. Спина кузьтаыс көдзыд пөсь кис-

сьö, быттö кöдзыд нидзув визьöдлö, став яйсö тшöтш гежмалö, кöдзыдөн кезьöдлö.

Со и шорас нин лэччö, а лог кырйыс жупкöс, веськыдкодь кыръя. Митрей дядь тапиктö небыда. Самöй ыджыд тшупöдсö кöсйö воськовтны, чеччыштныкодь: морыд, матысса коз пу йылын; сё морыд, ракаяс пукалöмаöсь да шаркнитисны. Митрей дядьлөн сьöлöмыс ёкнитис. Зуркыдакодь чеччыштис да кузовыд, сё морыд, дзёбнитчис, а кузов волысыд, сё грекыд, омоль вöлöма да öти пöлыс крутшнитис-ори. Митрей дядь эськö и кутыштны на кöсйис да набурушкасыс тшакыс киссис, ставыс туй кузьятыс размунис.

Митрей дядь дзик быттö йöймис. Тшак вылö тальчысис да зэв кузя вильснитис, муртса эз усь. Сэссия мöд волысыс ори. Волысыд ори да кузовыд дзёбнитчис уси. Зэв гораа шмуткысис. Кузовас дзик тырыс ельдöгъяс вöлöмаöсь, вевтыд воссис да ставыс рази-пельö гöглясисны, паськалисны.

Кутшöм сэни öктысьöм. Митрей дядь и видзöдлынысö весиг эз лысьт. Набурушкасö швачкöбтис-шыбитис да тунагай гортö котöртö. Шорыс эськö поска и быдөн да, эз тай небось некутшöм пос ни потш ковмы. Сажень пасьята, колöкö, шорыс лоö да сідзи и звиркнитис-чеччыштис, кокыс некытчö эз и такавлы, некытчö эз и крукасылы. Лог кырйыс эськö и зэв крут, зэв сьökыд кайнысö, да Митрей дядь эз и джöмдыштлы. Прöст дырйи кö эськö куим-ö-нельысь, колöкö, шойччис, а öни эз и такавлы, муртса рудöбыс тыдыштлис.

Кутшöм нин сувтышглöм, кутшöм нин бокö видзöдлöм. Мый вермö толькö тövзьö-котöртö. Шапка ни нинöм юрас абу. Юрсиыс летъялö. Дукöс кизыс разьöма да пöлаясыс шпавъялöны.

Неылын, гöра йылас, Степа тьötка вöлöма. Мöс корсьны ветлöма да сёрмытöдзыс лоöма. Сувтöма да кывзысьö, оз-ö көнкö мöс жыннян шы клёнгöбты. Туй

вылысь рудобто аддыліс да лязмунтөдыс повзис. Ойөстіс да быдсөн лажыньтчис. Лётавмөныс лои. Войнас нин сэсся гортас локтіс да йөзлы висьтасьо:

— Садь быртөдз, ныленькөй, Съод шорад повзьөдісны. Од попө гажтөмыс пөртчөма да сідзи и лэбалө. Ыджыд паськыд ризіа, лэзь юрсиа жө, ме дорті сідзи и мөлкнитіс. Ме чайта, сійө медыджыд гажтөмыс нин вөлі. Толькө нин, ныленькөй, ме сэтчө лётнитчи. Одва и пернапас чөвтны удиті, сымда и аддылі. Пернапассьыд повзис ли мый ли да, нинөм жө тай эз вөч-а, эз и сибөдчыв.

Аскинас уна морт чукөртчөмаось да висьтавлө:

— Од, колөкөн, дасөн чукөртчөмаось. Первой мышсянь кодкө тойыштискодь да кузов вылө пуксис... Эг эськө көсйы шыбитны да кыкнан волысыс ори, быть лои шыбитны. Зэв унаөн кутісны шумитны да быть лои уськөдчыны пышйыны. Отик, ме чайта, медыджыдыс, гөра йылас кайөма да сысянь горзө: «Кутөй пө сійөс, кутөй!» Командир пыдди ли мый ли сэтчө сувтөма. Ме, зонмө, повзи да нөшта өдйөн мөдөдчи. Кутшөм нин сэтчө видзөдлөм. Медтыкө өдйөджык пышйыны. Кутшөмкө тай баба кодь бытьө вөлі-а. Мичаасө видзөдлынысө эг и вермы. Шапкаөй уси да эг-ө небось копыртчыв, толькө и тювксөді. Мед нин, мися, чөрту став тшак и шапка сёясны-тувъяласны пез горшаныс, а асьым юрөс ог на жө сет.

Йөз кывзөны да шензьөны. Быдөн неуна полөныкодь. Некод оз лысьт мунны. Кузовлаыс ветлынысө весиг некод оз көсйы. Мөд луннас нин сы бөрти Педөсей Оньө сійө туйөд локтіс да вөлись казяліс. Первойсө повзыштискодь жө, друг туй шөрын кузов куйлө, а некутшөм морт абу. Сөмын тшакьяс гөглясьөмаось. Видлаліс да бөрти вөлись гөгөрвоис. Тайө пө кодкө нарошнө, тыдалө, энөвтөма да выль волысла мунөма. Тшаксө чукөртіс да чуксасьө. Некод некөн оз кыв. Шор дорө пуксис да дыркөдь пукаліс. Виччысьө, оз-ө кодкө лок. Дөзмытө-

дзыс пукаліс да сэсся мөдөдчис. Гортө локтіс да быдөн-лы кузов йылысь висьтавлө.

Мөдлун асылө Митрей дядь смелмөдчис да мөдөдчис. Вот дивөйд, збыль өд кузовыд шор бокас куйлө. Кытчө уси, век на сэтөні и эм. Некод некыті абу сөйөма ни нинөм. И наберушкаыс весиг тшөтш сәні неылын куйлө. Чорыда шыбитчөма да сөмын неуна пазалыштөма, а сэсся дзик нинөмтор абу лоөма. Сюмөдыс на век важкодъыс и быдөн.

Митрей дядь тшак торпыригыяс чукөртис да бөр кузов-наберушкаө тэчис. Кузовлы волыс вөчис да кузола-сис. Вот дивөйд, өд сьөктаыс и быдөн важкодъыс! Нинөм абу и лоөма! Со эськө сэсся и шензы!

ЧАЙ

Важөн мяян некод чайтө эз юлы. Қывлыны эськө быдөн пөшти кывлісны, а мый пө чаясьөмыс лоө, некод эз төд.

Қарын пө, мукөдъяс кыкысь лун кежлө чаясьөны, а мяян сиктын некод оз төд. Қыз пө и чаясьөны. Ёна шензыласны. Бабаяс эськө тшөкыдакодь сёрниө воласны да, некыз оз вермыны төдны, мый пө сійө и эм. Мужикъяс ветліг-мунигад аддзывлөныджык да ёна ошйысь-ласны.

Секө Педьө унаысь вөлі карө лэччывлө. Зверь куяс да ур куяс чукөртас да сэтчө лэччөдлө. Быдса додь тыр чукөртас да вөлөн-доддьөн и ветлөдлө. Қарын век сійөс чайөдоны да еджыд няньөн вердоны. Гортө локтас да аслас Öгрө гөтырыслы век мый вермө ошйысьө, быд ногыс ошйыяс.

Öгрө терпитнысө нин оз вермы. Колө төдны дай сым-да. А нывъясылөн, Маланьлөн да Пеклалөн, дульныс весиг петө. Батыс висьтасьны кутас да найө дзик став-

сө вунөдласны, сэтшөм окота налы лолө чаясьны. Маланыс эськө и ыджыд нин, невеста ныв нин да, батыс кө чаясьом йывсьыд кутас висьтасьны, дзик ставсө вунөдлас, весиг войсө пукны мунны вунөдлас. Войтө пукөмысь эськө мукөд дырйиыс гезйөн домалөмөн он вермы кутны да, а чаясьөмтө кө батыс висьтавыны пондас, синсө сувтөдас, вомсө паськөдас, пельсө торгөдас да войбыд көть кывзас. Эстшөм сийө ыджыд дивө кажитчө!

— Тэ, Педьө, мөдысь карад лэччан да вай нин бара чаясян добратө,— шуө Öгрө.

Педьөлөн эськө важөн нин вөлі гажыс петө да көсийө вайны чаясян добратө, да век оз лысьт. Прөмыс вылас, мыйкө сідз-тадз, ситечьяс да нянь сетыштасны дай. Унасө корны оз зэв и лысьтлы. Свинеч-порок сэсса унакодь жө сетывлөны да. Ачыс нинөмысь оз өткажитчы: мый сетасны, сийөс и босьтө, а вот чаясян добратө оз лысьт корнысө дай сымда и эм.

Онйя лэччигас бабаыс сёсысь кымын гаравліс, да Педьө збыльысь көсийысис чаясян көлуйтө вайны. Карын смелмөдчис да купеч Ёгорын чаясигас гарыштіс:

— Вот эськө татшөм добрасө кө меным...


— Чааясянсө?

— Да. Вывті ёна кажитчис, дай бабаөй ульөн нин сёйны пондіс. Чааясян добратөг пө эн и лок. Кыдзкөмыйкө позяс кө, вай тайөс мем сетөй.

Сетіс өд купечыд. Эз и унасө босьт. Кык руч ку, ош ку да кык десятка ур ку сөмын и босьтіс. Педьө став прөмыссө чайтіс босьтөмөн, а нөшта свинеч-порок на содтыштіс.

Педьө зэв рад. Ыджыд югыд самөвар сетісны. Дзирдалө сөмын. Сэтшөм югыд. Ещө өд дзоляник чайник дай зэв уна чашкаяс сетісны. Сьөлөмыс Педьөлөн сідзи и чеччалө.

Мед өдийөджык гортө воас, вөвсө мый эбөссьыс вөтлө. Гнедкоыс эськө рөдтө нин да ещө плетьөн кульөбтылас.



Секö Педьö локтис гортö. Семьяс ставыс чуймисны. Некод некытчö оз путьмы, мый колö вöчны. Весиг вöвсö идравны отсавны некод оз путьмы. Öд кутшöм югыд самöвар вайöма. Сидзи и дзирдыштлас! Чашкаясыс кутшöм мичаöсь. Быдсөн кутшöмкö цветьяс да картинкаяс рисуйтöмны.

Öгрö нывъяссö матыстчыны весиг оз лэдз, жугöданыд пö. Коньöрьяслы ылисянь и лоö видзöдны.

Педьö вöвсö справитис-керис, ставсö лöсьöдис да вöлись висьтавлыны, лöсьöдлыны пондис. Ведрасысь ва кисьтис да шом корö, а шомыд и абу. Нарошнö лои пач ломтывны, шомсö перйыны.

Аттö, ерöмакань, збыль тай тешкодь вöлöма! Пöсь шомсö тэчис да быттö ловзис. Сё дивöйд — лючки öд шумитö, быттö сёрнитö!

Ыджыд дивöйд регыд и кывсьö, öдийö и паськалö. Муртса на Педьöйд локтис, эз на самöварыд пузы, став сикт кодыслы нин кывсьöма. Керка тырыс йöз локтис. Быдөн шемöсмöмаöсь, дивуйтчöны да сёрнитöны.

Педьö толькö нин шпыннялö. Восьлалö тэрмасьтөг, синмыс весиг тшöтш сералö, сідзи и діръялö. Со пö öд кутшөм дивö вайи. Тошсö малыштас да рушкусö тшöтш весиг кыпöдлыштас.

Вот, колöкö, и самöвар! Со и талөн сям! Öд лючки сьöласьö. Брызыйöдлö толькö. Оз куритчы, а тшын петö. Вылöдыс валитөмөн еджыд тшын сідзи и бугритö.

Педьö чашкаяс мыськаліс, мичаа чышкаліс да чайникö чай пуктіс. Самöварсö шапкаöдіс серакодь югыд шляпаөн да чайниксö пуктіс. Трасича йöз, вöчасны жö зонмö! Думайтöма жö кодкö!

Педьö ичöтик мешöк кодъыс еджыд из кыкис да зэв посныдика торйöдлö. Сакар пö тайö, юмов добра. Первой пö ичöтика тайöс курччыштан, сэсса вöлись и юан.

Сё морыд, збыльыс öд юмов вөлöма! Курччыштан да сакарторйыс быттьö мый жö вомад гольöдчö. Гольöдчас, гольöдчас да сэсса и сылас.

Быдөнлөн чаясьнытö гажыс петö, а чашкаыд этша. Öгрö эськö став дозмуксö нин лэпталіс дай сэн на оз судзсы. Öд керка тыр йöз локтіс, код öтилы нö тырмас. Томджык войтырыслы паньяс сетісны да паньö кисьтышталöны. Пань сорнас и быдөнлы дозмукыд сюри, быдөнлы судзсис.

Педьö быдөнлы кисьтышталö. Кисьтыштас да сакартор сетас. Быдөнлы сетіс, став гөстьöс чөсмöдіс.

Ёна и гөстьяс чөсмасьöны. Чурснитасны да нарошнö вомсö тьякөдöны. Мöда-мöдыслы весиг гыррдзанас тувкасны, ошйысьöны. Кымыныськö юрсö лётнитласны жö! Сьöлөмнас весиг тшöтш эскöны. Чайыс эськö абу и вывті чөскыд, да мырдөн, сёрнинас чөскөдöны.

Педьöлөн самöварыд став матысса йöзсö шызьöдіс.

Матысса сиктъясыс ставыс нин пöшти волісны. Быдөнлы окота аддзвыны. А челядь оз и быравны, век керка тырыс. Бабаяс печканөн локтасны да лунтырöдз оласны.

Өгрөлы өтчүд зэв окота босьтис чаясьны, сьёлөм нюкырттөдзыс колө, дай буретш сваттяыс локтис. Кыдзи мый и вöчны. Мужикыс абу, а асьныс некод оз кужны. Ватө эськө и уна вайисны да самөварас оз öшйы. Вылас жө тай кисьтöны-а, ставыс бөр джоджас лэччө. Мыйкө этша маитчисны. Нинөмтор эз артмы. Öгрө эськө унаыс жө юрсө гыжйыштлис да нинөм эз сяммы вöчны. Став ваыс бөр джоджас киссьө, быттьө ыджыд шор визувтө. Мужикыс локтис да ёна и сералис.

— Чирукыд тай кыськө эм. Татчө өд шом колө тэчны, а тэ ва кисьтан. Кысьнө татчө öшъяс. Улиас со ставыс розь да.

— Кыдз тайө морөн сэсся вөдитчöны. Пöсаявтөдз нокси, а нинөм эз ло. Сваттякөд кутшöма чаясьны көсийм да сідзи и лои. Оз миян китроваыд тырмы дай сымда и эм.

Педьө бөрти ачыс пуктис да чайөдис, номсөдис.

Чай турунсө унакодь пуктысьöма да оз-ө небось койышт. Чайник вевтсө нянялис, сюрсө пробкаалис да шкапас пуктис. Ачыс вөрө кайис прöмышляйтны. Рөштво кежлө пö вола да бара на юамö.

Өтчүд колины гортас кык чой. Мамыс кытчöкө печканөн петис. Малань көтшасас вöли пукалө. Мед эськө син улас чайникыс оз усь, кывтланьсьыс век ылөджык да ылөджык пуксьө. Коркө, сёмор ногөн, Пекла мунöма да чайниктө и босьтöма. Босьтöма да любуйтчө, мичаа рисуйтөм цветьяссө видлалө.

Малань терпитнысө оз вермы. Пекла динө мунис да тшөтш видлалө. А пыткас чайыс солькакылө.

— Вай либө, Пекла, видлыштам...

Пеклалөн эськө важөн нин думыс вöли, да некыдз оз куж. Гөгөрбок клеитöма да кыс на ещө видлан.

Малань неуна вежöраджык. Сартас жель босьтис да сюрсьыс пробкасө гудйыштитис, сэсся жельсө и суйис. Вот трасичаыд, збыльыс өд желлыыс көтасис. Кыскис да жельсьыс ыджыд войт войтыштитис.

Пеклалён да Маланьлён, кыкнанныслён, сьёлёмъ-
ясыс шымыртчисны, быттьо жебаммисны, йӧжгыльтчис-
ны. Чуньыштіс ещӧ да вомас суйис. Суйис да тӱп-тӱп
керис.

— Чӧскыд!..

Пекла жель босьтіс да тшӧтш чунясьӧ. Ёна ӧд чӧс-
масисны. Некутшӧм чӧскыд кӧр эськӧ абу, да асьныс
мырдӧн чӧскӧдӧны. Вомсӧ весиг тшӧтш чавкӧйдлӧны.

Ӧні миянын быдӧн нин чайтӧ юӧны. Пӧрысь и том,
мужик и баба — ставныс юӧны. Чугунысь кӧть, а юасны
жӧ нин.

Медся нин сійӧс бабаяс радейтӧны. Босьтам кӧть
Якӧ Марьяӧс да Ӧньӧ Сандраӧс. Ӧтлаасясны кӧ, чаясь-
тӧгыд некор нин оз торйӧдчыны. Самӧварыс кыкнан-
ныслӧн эм. Кыкнанныслӧн зэв гырысь, ведра тӧрига да
быд пунктӧмӧ став васӧ юлӧны. Самӧварад ӧти войт ве-
сиг пӧсь ваыд оз кольлы, ставсӧ помаласны.

— Пыдӧсад кольнытӧ абу и лӧсьыд,— быд юнг
шуӧны.

Ёна жӧ ӧд и дыр юӧны. Юигчӧжыс век вочасӧн шом
содталасны. Кусӧм самӧвар оз зэв и юны.

Кыкнанныслӧн пӧсьыс валитӧ-киссьӧ да нинӧм,
чышьян помнас чышкыштасны да бара и босьтчасны.
Сакарсӧ ичӧтиктор и босьтасны да дзик помӧдзыс тыр-
мас.

Чайтӧ юасны да сэсся дзик быттьӧ став лы-сьӧмыс
небзыштас. Долыд быдсӧн лолӧ. Сэтшӧм, сӧ морӧ, чай!..

ӦЛЬӦКАН

I

Ӧльӧкан скӧр. Зумыштчӧма да и кыв весиг оз шу,
некодкӧд прамӧж оз сӧрнит. Зульялӧ только ветлӧ. Кой-
мӧд лун нин юӧ. Коймӧд лун нин оз пальӧдчы. Тӧдӧ эсь-

кӱ, став сьӱмсӱ нин юис, оз нин и ков юнысӱ, да мырдӱн юӱ. Пычкысьӱмӱн и юӱ. Нинӱм весиг оз сӱйлы да сӱдзи и ветлӱ.

Кыз эськӱ со сӱсся он скӱрав?! Ӗд нӱльӱд ныв нин бабаыс вайис. Став йӱзыс нин сералӱны, петнытӱ оз позь. Став мужикъяс сералӱны. Став тошка и тоштӱмъяс гильскӱны, вомсӱ жерйӱдлӱны.

— Мый нӱ, Ӗльӱканыс, бара нин потӱм пи мастертӱма?..

— Ӗльӱкан друг, нинӱм нин тӱ помысь, тыдалӱ, оз ло...

— Ӗльӱкан, вайлы жӱ медавлы менӱ. Донсӱ ӱд ог и ыджыдӱс кор. Меринтӱ кӱ сетан, и шань. Дзик эськӱ сӱкӱл кодь пи мастерита.

Ӗльӱканӱс забеднӱыс босьтлас и быдӱн. Ӗд кыз эськӱ оз старайтчы. Нарошнӱ нин вичкоӱ ветлис, ыджыд сись пешлис. Век нинӱм. Бара ныв кага чужӱма. Ӗни сӱсся бабасӱ нин дивитӱ.

— Тӱ, баба, нарошнӱ нин, тыдалӱ, менӱ бесчеститан. Нарошнӱ ныв вылӱ ныв ваян. Пӱдтыны али мый кӱсьян?.. Ещӱ кӱ нывтӱ меным ваян, ловтӱ и босьта. Кыкнантӱ ловйӱн гуала.

Коньӱрӱй бабаӱй. Мый нӱ эськӱ шуан. Ланьтӱма да чӱв нин и олыштӱ. Первойя кык ныв вайӱм бӱрас ещӱ на сӱрнитӱскодь. Час пӱ ӱд удитам на и пи вайны. Рӱд вылас пӱ и нылыс тшӱтш колӱ. А ӱни нӱльӱд нывтӱ вайис да виноват быттӱ. И кывтӱ шуны весиг оз лысьт. Думсьыс эськӱ кутшӱма старайтчис, кутшӱма пи кӱсьяс вайны,— оз артмы. Ныв чужас дай сымда и эм. Ӗльӱканлӱн баба и енлы нин кевмылас и быдӱн да, век нинӱм. Немся некутшӱм ен оз отсав.

Ӗльӱкан эськӱ ачыс абу и лӱк, абу и скӱр. Водзтӱ вӱлӱ бабаыскӱд век мургӱны, сӱрнитӱны. Пуксясны ӱшинь дорӱ да дыр йизяссясны¹. Прӱст пӱранад век ворсӱдчӱ-

¹ *Иизяссясны* — *ноксясны-вежнясясны*.

ны. Оні, уна нывтö пондiс вайны да, весиг и сёрниыс бырны пондiс. Ачыс эськö оз и лöгав, йöз сералöм пондаыс дзугласьö. Йöз сийöс мутитöны. Оні сэсса весиг и йöзыскöд оз прамöя сёрнит. Зумыштчöма да öтнас и пошкö.

А делö чöлатö овны! Варов мортыдлы ыджыд мат. Вом быттö сяркан, дум юр тыр, а лоö чöv овны, мырдöн сёрни кутны. Таысь делöыс да шогыс нинöм жö нин абу! Öльöканлөн юрыс быттö чугун. Думъясыс кöсийöны петны, окота висьтавны йöзлы, а лоö кутны. Ставсö лоö юрын новлöдлыны.

Кысь нö эськö со сiдзитö верман овны?!. Нем сёрниттöгыд нö кыз эськö варов мортыд олан?!. Öльöкан ылö вөрö мунас да öтнасөн и сёрнитö. Ньöжйö сёрнитöмөн сьölöм оз бурмы да öдийö и сёрнитö, ыджыд гөлöсөн.

— Аттö, чöрт, баба!.. Опонась Митрейлөн öд со эськö кык ныв нин аслас вöли, öни бабаыс пи вайис да мый сэсса керан. Первойсö кутшöм вöли чöv, а öни серавлö дай сымда и эм. Ерöмакань эськөн, пи кö чужас, ёна жö!.. Да, позьö öни налы серавны, позьö и тешитчыны. Час öд ачым... А ог, йöз вылад некор ог серав. Ме кöть мый, а ньötчыд ог тешитчы. Öнись Емельлы эськö и яндзим колö тöдны. Ачыс кутшöм бур друг вöли, кутшöма артмывлімö, а тöрыт весиг и сийö тшötш дуренитiс: «Кызкö неладнö жö кö пö тэ бабаыдкöд олан-а?» Вот, гадюка... Некор ме талысь татшöмтортö эг виччысь. Шуис öд! Шуёмөн и öд шуис! Дзикöдз став гыркöй гудыртчылис. Быттö кутшöмкö лөк сабан гöрыштiс, став эмсö и абусö муткыртiс. Ок, эськö, чужö кö, сэк...

Öльöкан öтнас да öтнас и сёрниталö, йöз дорысь янсöдчöмөн и янсöдчö. Став другьяс быттö мустöммисны. Яндзим кажитчö ли мый ли, некод дорö оз и лысьт мунны. Медбур ёртьясыс весиг тшötш вильшалöны, а мукöдыд, дерт нин, сэсса вильшасясны. Первойсö яндзим быттö, сёрнитны окота босьтас да ылö ягö мунас. Мед эськö некод оз кыв, кустьяс сайö вöли сайöдчас. Бөрья

пом, велаліджык да, веськодь быттьо, весиг и мунигыр-
йиыс сёрнито. Лючки од сёрнитомон и сёрнито. Одио, го-
ра голосон, ыджыд голосон и сёрнито. Қияснас шенышт-
лас и быдон. Сёрниыс перыд¹ да ясыд. Челядь век сийос
гусьоник кывзысьоны. Ылысь на аддзасны да быдсон
паныдон уськодчасны.

II

Баба эськo регыдон и сьокто. Ен ськод, мортыс ена
родья. Быд во кага вайо. Быд во рушкуа ветло. Борья
кагаыс со ичот на и эм, ачыс бара нин рушкуа. Кагасо
неньодо на, а бара нин нобасьо.

Ольокан эськo бабаыслы быттьо и мелі. Сьолöмыс
матыстчылас, ворсöдыштлас и быдсон, а кывйон небыд
кывто оз шу. Мед эськo оз жо бара ныв чуж. Гашкo по
скораломнас да лекаломнас пи чужас да. Бабасо век
есътöдлo, век страститo.

— Ныв кo бара ваян, дзык кыкнанто виа, няйтöдз
шойда.

Баба тираломон и полö. Юрсиыс весиг шогысла кис-
сьo. Кыдз нo эськo тодан пи либo ныв?! Рушку быдмo
дай сымда и эм. Дерт, эськo уна ныв да, пи кo вайлан,
колöкo и водзвыв сесся тодан. Гашкo, пинад кызкo и
мод ногон нобасьоны да? Пи кагаыд, гашкo, и рушкуад
кызкo мод ногон быдмo да? Ольоканлон баба, пи вай-
лытoг, оз со и тод. Кутшом сийo и писo новлöдлöмыс?
Нывьястo тай зев сьокыд-а. Одва и ловто колясны, сз-
тшoма мучитасны. Пиыд, гашкo, оз и мучит да. Қинтас²
од, аслад вайлытoгыд со кыс на ещo тодан. Ольокан
бабалон сидз жо важ мозыс быдмo дай сымда и эм.
Дзык жо воддза нобасысьяс кодь. Воддзаяс кодь жо

¹ *Перыд* — тэрыб.

² *Қинтас* — код тодас.

сьо́кыд, воддзаяс кодь жо́ дело́. Кыдз эськó со сэсса то́дан.

О́льо́канло́н баба эськó то́до, регыд нин ваян кад. Ва-жон нин рушкуын вóрзыштчис. Талун ли аски ли колó нин петны, а век крепитчó. Силаыс нин абу, терпитнысó нин оз вермы, а век на кóсийó збодеритны, век на уджышталó. Пиньсó векушталас да доймымóнъяыс топóдлас. Рытьядор став терпениеыс быри, дукóсшой босьтис да котóрoн гидó.

Гидын шардло́ны бальо́яс. Кóзьякатó аддзисны да быдoн гóгoрыс сувтисны. Кутшóм нин маласьoм. Кыно́мыс о́рийóдлó. Кóсьяс эськó став му пасьяыс равóстны, да оз лысьт. Мыжа моз пельсó йóжгыльтчóма, пиньсó векуштóма, льóбсó мый эбóсысь курччóма да сідзи и оло́. Весиг гóлoс оз сетлы. Кóсийылас нин горóдны, кóс-йылас нин гóлoсыс петны, да óдийóджык дукóс пóласó вомас сюяс. Вом тырыс сюяс да некыт и равóстнысó.

Бальо́яс гóгoр чукóртчóмаoсь, видзóдо́ны, оз весиг шаркóдчыны. Ичóтик сьóд баля локтис да кóзьякалысь кисó нюлыштис. Жалитыштó быттьó. Бабалы со мелі-торйыд быттьó и лóсьыд.

О́льо́кан места вылас нин оз óшйы. То́до — бабалы ваян кад. Рушкуыд ёна нин ыджыд. Некытчó ывдысьны оз нин и кóсийы. Сідз мыйкó горт гóгoрыс и ноксьышталó, горт гóгoрыс и уджышталó.

О́льо́кан бабаыслысь вошóмтó друг казяліс да и уджыс тшóтш уси. Некутшóм удж киас оз сюр. Уна пóлoсoс эськó босьтлас да нинóмтор оз артмы. Сідз толькó óтарó да мóдарó жóдзó-ветлó. Ветлó, а ачыс нинóмтор оз аддзы. Быд токмарó кокыс крукасьлó. Ичóтджык нывсó муртса эз талышт. Кокнас крукасьліс да ыджыда лешыштóмoн каканас вичкис. Некор на челядьoс эз нóйтлы, а óні сьóлoмсыйыс швачкóбтис, доймымóнъя и кучкис. Некысь нинóм эз аддзы да юны муніс. Сандра тьóтлысь сулея вина босьтис да дзык ставнас и юис.

Ольоканлөн баба ёна дыр куйліс, ёна дыр вийсис. Ёна дыр мучитчис да друг ичотик вёсньыдик гёлёса морт чирөстис. Гёлёсыс небыдик, тіралё, быттьо петё и мыйыськё полё. Полёмён быттьо свет вылас петё.

Ой, ёна жё нин делё! Ёна жё нин ыджыд да съокыд тайё удж! Ольоканлөн баба кык-ё-куимысь лолыштіс да кагаёс перйыштіс ставнас. Кыяс дрёжжитё, чуньясыс чералёмаёсь, вёсняммёмаёсь. Эбёсыс дзикөдз бырёма. Кыясыс оз көсйыны кывзыны. Муртса нисьё муртса кызкё и няйтсё перйыштіс. Көсйис эськё гөгсё орөдны да эз өд и вермы. Сідзи и лои.

Дыр на ещё Ольоканлөн бабаыс оліс, дыр на шойччёмён сорён лёсьөдышталіс, сэсся ньёжйёникён, зэв ньёжйёникён, кималасён, кага кок костё пырис. Аслас кыяс дрёжжитё, съөлөмыс ёнджыка да ёнджыка вёрыштё. Со ещё ичотика и.. Окма, бара на ныв!..

Оз веритсы, өдйөджык мөдысь видліс... Ныв... Мый сэсся керан? Ёна и забеднө босьтіс. Синваыс тюргомён и тюрго.

— Мый со, дитюкөй, миянлы тэкөд лоё-а? Мыйла со тэ свет вылас чужин-а?!

Дыр бөрдіс. Кагаыс дрёжжитё нин, а век на нинөмтор оз лысьт вөчны. Кагаёс дукөсөн гаровтыштіс да сідзи и кутё. Аслас эбёсыс абу, весиг горөднытё оз вермы. Көсйё вөрзёдчыны, а полё. Сідзи и энөвтчис.

Бөрти пөч мамыс гортас локтіс да вөлісь казяліс. Öдйё лэччис гидё да первой кагаёс котөртөдіс-катөдіс, сэсся и кага мамыс отсаліс. Көтшасса лабичё скамья орччөдіс да кровать кодьёс вөчис. Мед небыдджык лоё, идзас вольсаліс дай сэсся и водтөдіс. Ичөт мортлы пөч мам гөгсё вундіс да сунисён көрталіс. Гөг помсё чөрс дозйё пуктіс, мед пө мөдысь быдмас да сюся печкыны пондас.

Ыджыдджык нывьяс быдён чукөртчөмаёсь да шемө-

сөн видзёдоны. Ставсё кёсийны тёдмавны, а оз вермыны. Ставторыйс налы тешкодъ кажитчө. Чукөртчөмаось да өтторъя толькө тевзёны.

— Пөч мам, а пөч мам, кысь нө тайё ичөтик кагаыс?

— Гулюяс, бобө, вайөмаось, гулюяс.

— Но-о!.. Кытчө нө найё пуктөмаось?

— Сарай пос помад, бобөй, и пуктөмаось. Тянлы видзны и вайөмаось.

Кагаос мыськисны-керисны да мамлы сетисны. Мам морөссө восьтис да аслас нень дорө и ляскис.

Ольөкан код. Туй кузя мурзигтырйи локтө. Чужөм вылас скөр. Илля Кёсьта бара нин вильшыштіс.

— Мый нө, Ольөканлөн бара нин пи чужөма?..

Ольөканлөн сьёлөмыс пузьё. Скөрысла став плешкыс чукрасьёма. Чужөм сөнъясыс ставыс зэлалөмаось, быттьё лөзөдөм нидзувъяс плешкас нюглясьёмаось. Пиньсө векуштлас, юё. Кыкнан кулаксө чорыда гөрддзалөма да сідз и локтө.

Бабаыс ловья нисьё кулөма, кывсө шуны весиг оз вермы. Синсө сувтөдөма да видзөдө. Толькө нин чөла виччысь.

Со Ольөкан пырис керкаө. Челядь уськөдчисны паччөрө. Пөч мам чепөсийс паныдөн.

Гөгөрвоис Ольөкан, бара ныв вайөма. Ещө ёна скөрмис. Ещө ёна сьёлөмыс пузис. Пөч мамөс тойыштіс бокө, сөрийсысь өщөпек кватитис да бабалы кокас швачнитис. Чорыда и кучкис.

Баба эз весиг и вөрзьөдчыв. Чужөмыс векняммөма, кельдөдөма, весиг өти вирпас абу. Щөкаяс чуқыртчыштөмаось. Синмыс вөйөма гөптө, ыджыд гуранө, кодзыда видзөдө. Синъясысь визувтө синва. Юрсныс ставыс лезьмөма. Вом дорсьыс чепөсий вир. А морөсас, нень дорас, ляскөма кага. Акань кодъ ичөтик кага. Ичөтиклөн чужөмыс гөрд, став яйыс гөрд. Киясыс ичөтикөсь-ичөтикөсь, думсьыс эськө неньсө, тыдалө, көсийө кабыртны, да оз сюр. Киыс тіралө дай ачыс тшөтш ставнас тіралө.

Ольокан видзодліс да став кыс лётмуні. Ощопекус шмуткысис джоджө. Дыр на ещө видзөдіс, дыр на су-лаліс. Эз вермы терпитны. Синваыс тюрөбтіс да ыджыд гөлөсөн и бөрддзис. Баба водзө пидзикокасис да ыджыд гөлөсөн и бөрдө.

— Прөстит... Прөстит менө, пьянникөс... Тэ мучит-чан, а ме... а ме... Прөстит менө, баба... Прөстит, дона морт. Некор нин сэсса ог вөрзөд... Мед сераласны кө. Мед ещө вомнысө калькйөдласны. Мед мян нывъяс кө. Нывъяс, да быдмөны ёнөсь. Эмторнад огө нин бара ма-тайтчө... Мед сераласны... Чөрту... Татшөм ичөтиксө, ми-часө да донасө некод на оз вермы рөдитны. Со кутшөм юрсыс небыд!..

Ольокан ньөжйөнникөн, зэв небыда шыльөдө кагасө. Муртса-муртса кисө инмөдыштлас. Шыльөдө тшөтш и бабасө, дзугсьөм юрсисө ньөжйөнникөн веськөдышталө. Юрлөссө лөсьөдө, шебрөдө да синва сорөн кевмысьө:

— Прөстит менө, баба... Эг өд тайө ме ачым кучкы. Мутивейясыс мутитісны... Мед сераласны кө, ньөтчыд нин сэсса тэнө ог вөрзөд. Дас ныв ещө вай. Помала и вай. Даснансө помала и вай. Весиг и чуньөн ог вөрзөд. Этатшөм жө ичөтикөс, ёнөс да зарни кодь мичаөс и вай.

Бабалөн сьөлөмыс небзис. Гырк пытшкөсыс шоналө-мөн быттьө и шоналіс. Весиг и доймөмыс оз прамөя кыв. Радысла дзик ставыс вуні. Важсьыс визула тюрөбтіс синва, сөмын мөд сикас. Абу нин чорыд, курыд синва, абу нин гөрддзасьлана, гөрыштана, а серамбана, югыд. Мича югыд синва. Долад синва.

Бөрдө тшөтш и пөч мам. Бөрдө радысла, серамбанөн. Радысла весиг и кывйыс оз артмы. Бөрдөны и челядь. Паччөр сэрөг пельөсө ёкмыльтчөмөн бөрдөны. Быдөнлөн тюргөмөн войталө синва.

Ольокан эськө и оз көсйы эскыны. Мед пө, кодлы ко-лө, этша сераласны. Морттуйныс кө эм, мед этша кильс-касны. Сөмын код юранас забеднөыс босьтлас. Быдөн быттьө сійөс өтдортөны. Сійө көсйө бурөн, көсйө лючкна

төлкөн сёрнитны, а мужикъясыд, сёрни костад, пыр и вильшыштасны. Ольёкан эськө и оз кёсий скөрмыны, да төдлытөгыс сёлөмыс пузяс. Төдлытөгыс и скөрмас.

IV

Ольёканлөн баба, тайё кынёмөн, эз нин гортө кольчынысө лысыт. Парёясө муніс. Парёясын кага вайны лөсьөдчис. Он пө өд и төдлы, юяс да мыйёнсюрө шванитас, нэм кежлад калекаө вөчас. Мый сэсся ськөд керан? Код юрнад өд быдторйис удайтчас.

Парө — баба бур, мелі, Ольёкан гөтырөс бура и лөсьөдіс. Кильчө игналіс, ортсысянь тасалис да некодөс оз лэдз. Қывтө идзас пыртис да идзас вылө и водтөдіс.

Шоныдінад да югыдінад торья нин сьөкыд кажитчө, ёнджыка гөг вуж дінтө орьөдлө. Парөысь яндзим нин кажитчө, да оз ойзы, мырдөн терпитө. Чагтор курччөма да сөмын мурөстлө.

Парө быд ногыс бурөдө, быд ногыс раммөдө. Ачыс өд неважөн на жө кагатө вайліс. Став доймөмсө и мученньөсө на төдө. Мый вермө эськө став эбөссьыс кёсий кокньөдны, джын доймөмсө, пөжалуй, ас вылас босьтас, да оз вермы. Сійө Ольёкан гөтыр бөрся вөтлысьө да кинас малышталө. Рушкуөдыс малыштлас, мышкуөдыс малыштлас. Малалө бура, малалө ньөжйөник, небыда. Небось тай некыті оз дойд! Бабаясыдлөн өд небыд кинис. Уна на жө и мелі налөн выйим!

Мучитчис-мучитчис да коркө сэсся и водіс. Рөдитны кёсий... Парө мый вермө тойтө, мый вермө отсасьө. Сойяссө гырдадзаөдзыс пуджөма. Парөлөн пөсь нин киссьө да век нинөмтор оз артмы, век оз шед.

Ольёкан гөтыр только нин пошкө. Шушун помсө вомас суйөма да өтторья курччө, өтторья вомсө топөдө. Ёнджыка да ёнджыка пиньсө зэлөдө. Друг тай став топөдөмыс личалис, став рузумыс лөталіс да ыджыда горөктіс. Эз вермы терпитны да ыджыда и ойөстіс. Став

тшуподыс быттьо ори, став кутодыс мыні. Чужом кузь-
таыс кодзыд пось толькo зюльмуні.

Городіс тшотш и Паро. Эз вермы пыксыны да, гаш-
кo, и Олюкан гoтырысь на чорыда городіс.

— Пи од, нылo, пи!..

— Чo-о!

Кoсйис на эськo мыйкo шуны. Олюкан гoтыр унатор
на кoсйис шуны, да нинoмтор эз артмы. Сoмын вомыс
быттьo нюмдыштіс да синваыс доршасис. Кисo кoсйис
нюжoдлыштны да весиг и сійo эз вoрзыы. Сe пудья из
быттьo кoрталoмаoсь, весиг чунь суда оз лыб. Сідзи и
эновтчис. Сoмын синсo дзорйoдлo да аслас кага вылo
видзoдo. Аслас пи вылo видзoдo. Аслас чужтан пи вылo
видзoдo.

Парo быттьo машина. Чышкo, мыськo, пожъялo —
быдлаo удитo, быдтортo вoчo. Пось ва пуoма уна, тырмo.
Ворйo кисьтoма да кагаoс купайтo. Кага гизгырасьo,
чужьясьo, оз кoсйи сетчыны. Ачыс, тыдалo, кoсйo варч-
чыны ли мый ли, ки и кок чургoдoма.

Парo тэрыба мыськис-керис, гoг вундіс, кагаoс рузу-
мoн гартіс да котoрoн Олюкан oрдo котoртіс.

Олюкан важoнсянь нин йoйталo. Вина ни нинoм на
эз ю, а кодысь-код. Быдлаысь нин бабасo корсис, да не-
кысь эз аддзы. Став гид, гид и карта корсис, да некысь
эз аддзы. Сарайысь став турун и идзас путкыляліс, да
нинoм эз аддзы. Мудзтoдзыс корсис. Кутшoм нин удж,
важoн нин уджыс кисьыс уси. Челядьлысь и быдoнлысь
юасьo, да некод оз тoд. Кытчoкo вошoмoн и воши. Сы-
лыштіс быттьo.

Эз нин кoсйи юны. Тайoс чужтігoн ачыс нин вoлі
кoсйo отсавны. Ачыс нин вoлі кoсйo чужтoдны. Гашкo
пo кодкo вежлалo нин да, нарoшнo пo ныв лoсьoдлo.
Ачыс нин, аслас синнас вoлі кoсйo видзoдлыны. Аслас
киoн нин медпервойысь вoлі кoсйo бoсьтны. Ачыс нин
свет вылас кoсйo вoлі петкoдны. Ачыс нин бабитчыны

лөсьодчыліс. Гашкө пö бабитчысыясыс нин омөльбөсь да сійөн и нывсө өтторъя ваялөны да.

Ставсө көсйис вöчны, да нинөмтор эз удайтчы. Нинөмтор эз артмы. Öтарө-мөдарө шөйтис-шөйтис дай сьөвзис. Ставсө шыбитис да Сандра тьöt ордө мөдөдчис. Юыштны кө пö лөб-а? Юрсө öшөдөмөн дуньксөдө. Друг, кылө, Парө горзө:

— Öльөкан, Öльөкан!.. Пи... бабаыд пи вайис...

— Пи, пи... Көні? Менам пи, о-о!..

— Миянын, миянын. Öдйөн...

Эз тай ков плеть. Котөртө, быттьөкө том морт. Саженысь ылөдз чеччалө. Кокыс некытчө оз и такавлы. Дзик быттьө муыс кытчөкө вошөма, кокыс муас оз и инмыв, лэбөмөн лэбө. Парө эськө өдйө жө котөртө, да өна ылөдз коли, оз вермы вөтөдны.

Öльөкан пырис да уськөдчис кывтө. Баба дорө кымынясис да милуйтө. Қагаөс көсйө эськө малыштны, да оз и лысьт. Оз и лысьт вөрзөднысө, и малышталө. А кывйыс кутшөм мелі! Кутшөм меліа сёрнитө!

— Донай, зөлөтөй, зарней, бобөй... Пи... Збыльысь нө пи вайин? Кыдз нө эськөн ме тэнө оқышта. Час өні жө пыр... Парө, а Парө, вай пуд-мөдысь и гудрав, быдса тшанө и гудыртлы. Ыджыд тшан сур пуам да пир вөчламө. Ыджыд пир, мед став йөзыс төдласны... Мед став муыввса олысьыс төдлас: Öльөканлөн пи чужөма!.. Пи... Аслам пи! Аслам, менам пи!.. Виччысьөй меысь өні лөк йөз!.. Час, кодөс понданныд серавныд? Эк, баба! Топыда жө эськөн ме тэнө кутыштла. Мусаа жө топөдла, дзик сьөлөм бердө эськөн ляскыштла, да оз позь... Бурд нө регыджык, да бура быдты, бура нөньөд, өна. Сөмын тай йөз ордын вайин да абу шань. Гортын колі... Мед нө, мед... Мед йөзын кө. Пи!.. Менам пи!.. Менам аслам пи!..

Дыр Öльөкан радліс. Ёна на дыр эськө, колөкө, сёрнитис, өна на дыр милуйтис, да Парө неуна өлөдыштис.

Öльөкан быттьө пуля. Кытчө мый оз тшөктыны, ньөв моз лыйышталас. Öти здукөн пывсян лөмтис, ва ваяліс

дай суседъяс ордö пыравны удитіс. Быд керкаын ошйысьö. Быд мортлы ошйысьö, быттьö сярғанөн сярöдö. Важ дорсьыс нин вомыс тэрыб да варов. Некод и торкнысö оз вермы. Ещö öд кияссö коскас пуктылас.

— Тіян öд пияныд мый, зырымбедьяс!.. А ме вот аски прöмышляйтны нин кöсъя нулыны. Муртса на свет вылас петіс, а ош кыйны нин нуöдчö. О-ок, энö и думайтö!.. Тіянлысь нывъястö ог жö нин бара ичöt козиннад вайö... Виччысьöй, нывьяс! Не пи, а прамö би лоö...

Öльöкан сёрнитны мастер. Уна и серам петкöдлас! Ставсö шызьöдлас. Унаöн чукöртчасны да ставныс кывзöны. Ыджыд чукöрö чукöртчасны да дыр сёрнитöдасны. Öльöкан ещö быдторсö и висьталас. Некодусь нин öні оз пов, нинöмысь нин оз яндысь. Öд пи чужис, пи! Вит ныв бöрын пи чужис! Аслас пи! Коді нö эськö сэсся оз радлы! Кутшöм батылөн нö сьöлöмыд оз вöрзьи!

— Шабаш öні... Став писарлы шабаш. Менам пийö кöсийö велöдчыны да и писартö вежны. Быдтортö вöчны кужны пондас. Быдтортö мастеритас. Некод нин сэсся миянöс оз понды ывйöдлыны. О, ме тöда! Менам пи лоö мастер. Öні нин кутшöм зумыд да ён. Кулакъяссö вöлі гөррдзалöма да вувтны и кöсийö, а мöдысь быдмас да мыйыс нин оз ло? Ме думайта, ставнас лёк олöмтö путкыльтас. Путкыльтас, ставсö шыльöдас. Ті öд мый, йөршитöмныд пиянтö да некытчö онö и лэдзлö. Колö вöля сетны, мед этша юр вемсö песлöдласны: мед этша синнысö югдöдласны. Мед ставсö тöдмаласны.

Öльöкан сёрнитны босьтчас да и помыс оз во. Сьöлöмыс толькö и ёпйöдлö. Чужöмыс нюмъялö, тошыс нюмъялö, став тушаыс быттьö нюмдöма. Қиыс и кокыс тшöтш радлöны. Став яйыс тшöтш радлö. Öд пи чужöма, пи! Пи! Зон морт! Аслас пи!

ПРИМЕЧАНИЯС

И. И. Сажинлӧн тайӧ первой сборник, кытчӧ лои суйӧма писательлысь прозаическӧй гижӧдъяс, кодъясӧс ас кадӧ вӧлі печатайтӧма «Ордым» журналын, а сідз жӧ Коми книжнӧй издательствоӧн лэдзӧм торъя сборникъясын да книгаясын.

Быд произведениелӧн, кодӧс суйӧма сборникӧ, гижан либӧ печатайтан кадӧс индӧма примечаниясын.

Висьтъяс

Ён тыш (5 л. б.)— Гижӧма 1927 воӧ.

Сё сикас (43 л. б.)— Тайӧ висьтсӧ вӧлі печатайтӧма «Ордым» журналлӧн медпервойя номерас 1926 вося октябрь тӧлысьын.


Четверть вина (49 л. б.)— Висьтсӧ гижӧма 1927 воӧ да печатайтӧма «Ордым» журналлӧн 6—7 номеръясын.

Шева чуман (56 л. б.)— Висьтсӧ гижӧма 1927 воӧ да печатайтӧма «Ордым» журналлӧн 11-ӧд номерын.

Сьӧд шор (59 л. б.)— Писатель гижӧма 1928 воӧ да печатайтӧма «Ордым» журналлӧн 3-ӧд номерын.

Чай (63 л. б.)— Висьтсӧ печатайтӧма 1928 воӧ «Ордым» журналлӧн 4-ӧд номерын.

Ӧльӧкан (68 л. б.)— Висьтсӧ гижӧма 1928 воӧ да печатайтӧма сійӧ жӧ вося «Ордым» журналлӧн 8-ӧд номерын.





И. И. Сажин чужліс 1904 вося январь 3-од луно Сыктыв районас Чухлом сиктын. Кызёд воясё сійё активнõя заводитõ гижны висътъяс, а сідз жõ публицистическõй статьяяс. Том дырийыс сійё вõлі активнõй комсомолецõн, отсаліс том йõзлы пуктыны спектакляс и накõд тшõтш ворсіс сцена вылын. Абу зев ыджыд творческõй туйыс И. И. Сажинлõн, но сійõ, кызди и мукõд коми гижысьяс, пуктіс ассьыс пай коми литература сõвмõмõ.

25 кõп.

Иван Иванович Сажин. РАЗНАЯ РАЗНОСТЬ. Рассказы на коми языке.

Художник М. П. Безносков. ИБ № 487.

Рецензенты И. В. Изъюров и Г. А. Фёдоров. Редактор А. В. Некрасов. Художественный редактор А. В. Мошев. Технический редактор А. Н. Вишнева. Корректор А. А. Надуткина. Сдано в набор 31. 03. 1981 г. Подписано к печати 1. 06. 1981 г. Ц01306. Формат 70×108¹/₃₂. Бумага № 1. Гарнитура «Литературная». Печать высокая. Усл. печ. л. 3.5. Усл. кр.-отт. 3.85. Уч.-изд. л. 3.63. Тираж 2000. Заказ № 2566. Цена 25 коп. Коми книжное издательство. 167610. Сыктывкар, ул. Карла Маркса, 229. Республиканская типография Государственного комитета Коми АССР по делам издательств, полиграфии и книжной торговли. 167610. Сыктывкар, Коммунистическая, 20а.